



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IV. Quænam sit vera Ecclesia; an item & quâ ratione ex notis Ecclesiæ
probetur, solam Catholicam & Romanam esse veram Christi Ecclesiam.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

DVBIVM VI.

*Quanam sit vera Ecclesia; seu an,
et quare ratione ex notis Ecclesia
contra Sectarios demonstretur,
solam Catholicam et Romanam
Ecclesiam esse veram Christi
Ecclesiam.*

Ad S. Thomæ 2. 2. q. 1. a. 9. & 10.

Traictauit hoc argumentum fuse, & luce-
lente, tum in secunda parte Anatomia
Confessionis Augustana, tum in Dioptra fidei
vernacula lingua conscripta; in quibus libris,
compluribus firmis ac perspicuis demonstratio-
nibus ex instituto demonstrati, Ecclesiam Con-
fessionis farum non esse veram Ecclesiam; addita
etiam singulis demonstrationibus accurata solu-
tione argumentorum contrariorum: ex quibus
hoc loco præcipuus eligere placet, atque vniuer-
sim, tam ad conuincendos de falsitate singulos
huius temporis sectariorū cœtus; quam ad pro-
bandam directe veritatem Ecclesiae Catholicae ac
Romanæ accommodare, discurrendo ordine per
singulas notas veræ Ecclesiae dubio præced. expo-
sitas.

E quibus etiam singulis plures aut pauciores,
ad institutum illud prebandum, de-
monstraciones efformabimus: supponendo,
quod etiam dubio præcedenti notauimus, ex
eiusmodi Ecclesiae notis & proprietatibus argu-
mentari licere non solum negatiue, vt ea scilicet
non sit vera Christi Ecclesia, cui vel nulla,
vel non omnis eiusmodi nota conuenit; sed etiam
affirmative, vt illa sola sit vera Christi Ec-
clesia, cui vel omnes simul nota veræ Ecclesiae
conueniat; vel si cui ex omnibus Christi Ecclesijs
soli; vna quilibet ex prædictis notis conueniat;
quandoquidem omnes & singula necessario veræ
Christi Ecclesiae conuenient: neque fieri potest,
vt nulla vera Christi Ecclesia in terris existat, vt
dictum eodem dub. præced.

Prima igitur demonstratio sumitur à prima:
nota Ecclesiae, qua est unitas eiusdem, in hunc
modum. Proprium est vera Ecclesia, esse u-
nam consentientem in fide, seu rebus per fidem
erendis; idque non solum actu sed etiam
habituali dispositione, itavt in se, ac suo
corpo eiusmodi fidei unitatem ex se ac natura
sua firmiter ac constantur retineat: è contrario
proprium est quorumlibet hereticorū cœtu, ab uno aliquo heresiarcha procedentium, nul-
lum habere constantē in fide consensem; sed a
prima sui origine, mox in varias sectas diuidi
& dissecari; ita vt iuxta fidei sue principia, &
ex vi illorum, nec possint quidem constanter
firmam aliquam in fide confessionem tueri. Iam
vero inter omnes cœtus, qui hoc tempore
Christi fidem profitentur, unitas illa fidei solum
reperitur in Ecclesia Catholica; non autem in

vilo alio Sectariorum cœtu, puta Lutheranorū,
Sacramentariorum, Anabaptistarum. &c. Ergo
sola Catholica Ecclesia est vera Christi Ecclesia;
non autem vlla alia ab ea diuersa, quocunq; no-
mine appetetur.

Prima propositio seu maior huius syllogismi,
quod primam partem, patet ex dictis dub. præ-
cedenti, vbi probauimus, eam unitatem fidei tam
secundum actum, quam secundum habitum,
quatenus scilicet nititur unitate capituli visibilis,
cuius auctoritat, velut infallibili regule, omnes
se in credendo subiiciunt, esse proprietatem inse-
parabilem veræ Ecclesie; hoc ipso scilicet etiam
quod ea infallibili ductu Spiritus Sancti regitur,
qui est spiritus pacis & consensionis; non autem
discordia & dissensus; nec sibi vlo modo contra-
rius, sed undeque semper consentiens.

Quoad alteram vero partem, nempe proprium
cuiusque sectæ hereticorum esse, nullum habere,
nec habere posse in credendo firmū consensem,
pater primo ex tota antiquitatis historia; cuius
præter historiarum scriptores, testes sunt anti-
qui Patres. Tertullianus de præscriptionibus ad-
uersus hereticos cap. 42. ait: *Mentior, si non etiam
à Regulū (sive autoribus) suis varianti inter se;* dum
vniquisque suo arbitrio modulatur, que accepit,
quemadmodum de suo arbitrio ea composita illle, qui tra-
didit. Agnosci naturam suam, & originis sua morem
professuræ. Idem lucius Valentianus, quod Valentino.
Idem Marcionitis, quod Marcioni, de arbitrio suo fidem
innovare. Denique penitus inspecte hereses omnes, in
multis cum autoribus suis dissentientes deprehendan-
tur.

Irenæus libro 1. cap. 18. de hereticorum pro-
genie loquens ait: *Etiam qui recentiores eorum
agnoscuntur, affectant per singulos dies nouum ali-
quid inuenire, & fructificare, quod nunquam quisquam
excoxitavit.*

Hieronymus in caput 16. Ezechielis: *Sem-
per errantum fluctuant pedes; nec sunt sedida vestigia,
qua contra veritatem sunt; sed huc illicque discurrent,
& circum feruntur omni vento doctrinæ, dum de falsi-
tate transfeant ad aliam falsitatem. Et cum in primis fru-
stra se sedasse cognoverint, ad secunda, tertiaq; transcen-
dunt.*

Ratio eiusdem partis est; tum quia heretici,
nullum habent visibile caput in terris, cuius iudi-
cicio fidei controversias submittant suamque fidem
modorentur. Quo sit, vt dum singuli pro-
prios ac priuatos sensus sequuntur, necessario
pro humani ingenj inconstantia & mobili-
tate, in varias sententias abeant; imo ve-
ro vt ijdem etiam alio & alio tempore aliud ac
oppiorum sentiant. Tum quia ijdem modis ac
principijs, quibus primus sectæ alicuius auctor
fidem pristinā nouavit, licet etiācuiq; asseclarū
candem denuo novo additamento innouare. Si-
cuit enim primus sectæ author, per contemptum
Ecclesiastice auctoritatis, & propriam, quam suo
arbitrio confinxit scripturæ interpretationem, fi-
dem primus nouavit, ita primum & facile est ij-
dem medijs ac principijs, fidem ita nouatam de-
novo innouare. Quam rationem optime expressit
Tertullianus loc. cit.

Quodsi

Quod si ad tempus aliquod, in cœtu aliquo hæretico fidei vnitatis reperitur, id per accidens est; sive quia ob breuitatem temporis nec dum satis otij datum est asseclis, ad fidem denuo nouam; sive quia externa vis & metus legum, ac Magistratus politici obstat, ne quod suo arbitratu singuli sentiunt, aut nouiter confinxerunt, libere in apertum proferant. Id quod hodie etiam in Germania passim accidit: cum tamen intermixta dispositione, fideique principijs, nullum sit obstaculum, quo minus vnaquaque hæresis mox in varias seelas diuidatur.

113 Secunda propositio quoad priorem partem, nempe in Catholica Ecclesia esse eiusmodi fidei vnitatem & consensem, patet tum ipsius facti evidentiâ. Omnes enim Catholici eandem fidem habent, idem credunt, & in rebus ad fidem spectantibus, idem sentiunt. Quæ vero apud eos est varietas, aut solum pertinet ad diuersas ceremonias & ritus, quam diuersitatem ipsamet confessio Augustana a. 7. de Ecclesia profitetur vnitati Ecclesiæ nihil officere; aut solum concernit controværias scholasticas, seu quæstiones subtiliores, quæ ad fidem non pertinent; in quibus proinde cuique sentire licet, quod libet, vt pluribus differui part. 2. Anat. Confess. August. demonstrat. 2. §. 7.

114 Deinde idem probat ratio. Nam hoc ipso, quod Catholici, præter scripturam sacram, habent etiam viuum ac visibilem iudicem, qui publica & infallibili auctoritate scripturam explicet, & sicuti oper est, controværias ad fidem spectantes dechniat, cui omnes se suaque iudicac sententias submittant, impossibile est, vt vlla sit in Ecclesia Catholica credendi, adeoque fidei ipsius diuersitas. Quod si quis à fide & iudicio communis Ecclesiæ Catholicae pertinaciter desiat, is iam hoc ipso non est amplius in Ecclesia; sed ab omnibus velut hæreticus, imo velut Ethnicus & publicanus iuxta Christi mandatum damnatur.

Vt proinde merito Cyprianus lib. de vni. Eccles. cap. 5. scripsit: Ecclesia Domini luce perfusa, per orbem totum radios suos porrigit; vnum tamen lumen est, quod ubique diffunditur; nec vnitatis corporis separatur. Ramos suos in uniuersam terram copia ubertatis extendit; profuentes largiter riuos latius expandit; vnum tamen caput & origo vna, & una mater, faciundatatis succesib[us] copiosa. Illius fœtu naescimus; illius lacte nutrimur; spiritu eius animamur. Adulterari non potest sponsa Christi; incorrupta est, & pudica; unam dominum nouit; unius cubiculi sanctitatem casto pudore custodit. Et cum hæreses & schismata postmodum nata sint, dum conuenticula sibi diuersa constituerunt, veritatis caput atque originem reliquerunt. Ita Cyprianus.

115 Posterior pars eiusdem propositionis minoris; videlicet apud Sectarios huius temporis nullam esse, nec esse posse fidei vnitatem, probatur primo, ipsa evidentiâ facti. Quis enim nescit, in quot seelas, mox à suo ortu Lutherana fides, per ipsos Lutheri discipulos diuisa fuerit; puta Antinomorum, Flaccianorum, Synergistarum, Adiaphoristarum, Osiandrinorum, Vbiquistarum, Concordistarum, Rigidorum & mollium Luthe-

ranorum &c. De Sacramentarijs ipsimet Lutherani Ministri in confessione Mansfeldensi scribunt, sibi Sacramentariorum doctrinam merito suspectam esse, tum propter nouitatem, tum propter dissensum; alios enim esse Carolostadianos; alios Zwinglianos; alios Oecolampadianos; alios Schwenckfeldianos; alios Caluinistos &c. Et in Anglia inter Protestantes & Puritanos; in Belgio inter Arminianos & Gomaristas dissidium omnibus notum est. Huc spectant libri eorundem & colloquia; in quibus & Lutherani se inuicem, & Sacramentarij rursum se ipsos mutuo circa varia fidei dogmata publice impugnant, & tanquam hæreticos infectantur & damnant. E quibus ex parte quidem Lutheranae sectæ, vnum instar omnium nomine Colloquium Altenburgense, inter ipsos Lutheranos habitum, & publicis typis editum. Ex parte Caluinistarum in Belgio extat eorundem Synodus recens ibidem celebrata; præter libros Vorstij, Sibrandi &c.

116 Deinde idem probat propria Sectariorum confessio. Id enim de suis Lutheranis aperte constetur Nicolaus Gallus, Minister olim Ratisponensis, in thesibus & hypothesis folio vltimo. sunt inter nos, inquit, non de Lexib[us] rebus disceptationes; sed de lege & Evangelio; de iustificatione & bonis operibus; de Sacramentis & usu ceremoniarum. Quæ quidem coire, simulq[ue] stare hand possunt. Ut sunt: Lex in templis docenda est; & Non est: Iustitia nostra aut ipsa est Dei essentia; aut ipsius Dei in nobis apud; aut imputatio obedientie eius extra nos. Sanguis Christi neminem iustificat; & aduersus hanc, Pauli sententia: Per ipsius sanguinem iustificati sumus. Nemo sine operibus salutem adeptus est: Hinc contraria; Bona opera non sunt necessaria ad salutem. Denique Christus corporaliter in Cena adesp. & promiscue à bonis malis sumitur; Et, Christus spiritualiter tantum à bonis percipitur.

Et Nicolaus Selneckerus ad Psal. 131. De publica discordia in Ecclesia, non est quod interrogas. Loquor autem non de ea discordia, que nobis necessario de fidei doctrina cum Papistis, atque alijs hæreticis interredit; sed de ea, quæ inter nos ipsos est, qui puram nos Evangelij doctrinam habere gloriamur. Nota etenim sunt certamina atque rixa de rebus adiaphoris, de bonis operibus, de iustitia coram Deo, de libero arbitrio, de presentia & participatione Corporis & Sanguinis Christi in Cena, de humanitate Christi, de eius ascensione, de secessione ad dextram Dei, de vbiuitate, deque rebus alijs. Ibi risandi atq[ue] contendendi neque sinus est, neq[ue] viliss modus. Quilibet in hoc laborat, ut iustam causam habere videatur, & alius alium opprimere intuetur: & quicunque nouum aliquid preferre potest, unde nomen venietur, id liberè facit. Similia habent Tilmannus Hessilius epist. de exorcismo, David Chytræus in themate depravatae Augustanae Confessionis, Christophorus Irenæus in examine libri concordiaæ germanice conscripto. Omitto alios.

117 Illud vero omnium miserabilissimum est, quod nec primi duo sectæ Lutheranae Coryphæ & antesignani, puta Lutherus, & Philippus Melanchthon inter se; imo nec singulare secum ipsi; & quod plus est, neq[ue] ipsa communis eorundem fidei ac confessionis formula, puta ipsa confessio Augustana secum ipsa consentiunt. De quibus rebus iam

integri libri ab aliis conscripti exstant. Certe Lutherus ipse fatetur in Resp. ad lib. Regis Angliae, tomo 2. germanico Ienensi fol. 146. se etiam post defectionem in non paucis articulis suam doctrinam mutasse, speciatim vero, inquit, de Papatu, de Concilijs, de Pastoribus, de Indulgencij, de Purgatorio, de Missa, de Academij, de Voto Religiosorum, de Episcopis, de humanis traditionibus & legibus, de cultu Sanctorum.

Sed & liberum arbitrium, in quo Lutherus ibidem quicquam se mutasse negat; quodque idem in assertione articuli 26. dixerat esse, signentum in rebus, seu titulum sine re; quia nulli, inquit, est in manu sua quidpiam cogitare boni aut mali, sed omnia, ut Wicleffii articulus Constantie damnatus, recte docet, de necessitate absolute eueniunt; idem Lutherus postea in visitatione Saxonica, articulo de lib. arbit. mutata sententiā aperte professus est, Homo, inquit, habet ex propria virtute liberum arbitrium, ad faciendum vel emitendum opera externa per legem & p̄nas adactus; Si ergo operatur homo ex propria virtute ullam iustitiam, vtique habet electionem & libertatem, & fugiendi malū, & facientem bonum. Circa necessitatem communionis sub vtracq; specie Lutherum pugnania scriptissime, nec ipsi Ministri Lutherani negauerint. Et constat ex ijs, quæ scriptis tom. 7. Wittenbergensi german. fol. 360. & in formula Missa tom. 3. Ienensi germ. fol. 274. ut pluribus differui libro german, de Missa & communione c. 10. Omitto quamplurimas alias Lutheri antilogias.

119 **120** Unicum speciale dogma, velut exempli causa, commemorare libet, in quo sumam Lutherorum inconstantiam magnopere admireris. Hoc est Idolum illud ubiquitatis & Omnipresentię humanitatis Christi; quod cum Lutherani passim hodie pro præcipuo quodā sue doctrinæ capite, habeant, dudum tamen antiquiores Lutherani, velut admirabile portentum nō semel damnarūt. Ita enim inter cetera habet iudicium Academiae Wittenbergensis de libris Ioannis Brentij, communis Lutheranorum nomine scriptum Año 1566. eodemq; anno ab Electore Saxoniae Augusto, ad Albertum vtriusq; Bavariae Ducem transmissum, mihiq; à D. Georgio Lauthero Præposito olim. B. Virginis Monachij Anno 1602. coömmunicatum: Cogimus interim fateri, inquit, in precedenti disputatione, de coniunctione duarum naturarum in Christo, & de presentia humanae naturæ Christi in omnibus rebus & creaturis, tum in caelo, tum in terra, qua quidē prior ille articulus de ascensione eius in caelos & seconce ad dextram Patris institutus, & ex ea ab illis deducitur, multa nobis incognita, nosa, & peregrina, ac periculosa dicta à D. Brentio, & D. Iacobo Andreæ usurpari, & vehementissime propagnari; que plane in huius ditionis Ecclesiis aut scholas introducere; aut disputando examinare, magnopere cauemus: cum eiusmodi locutiones ac declaraciones, neq; in bibliis scriptis & testimoniis Prophetarum & Apostolorum, neq; in præcipiis & antiquis morib; Ecclesiæ Doctorum scriptis & commentationibus inuenierimus; neq; in huic terra Ecclesijs, & scholis à nostris maioribus & Praeceptoribus, qui ante nos ministrarūt & docuerunt, unquā audiuerimus aut didicerimus. Ad dunt plura, quibus ostendant, Lutherum maleab-

eis intelligi, verumq; scripture & Sanctorum Patrum sensum eos non assequi. Itaq; suadent etiam Brentio, huius ubiquitatis præcipuo patrono, ut ab hac controvèrsia desistat, ne cetera cius scripta hoc veluti próbro de honesteatur.

Sed & anno 1571. Lutherana Synodus Dresdenis, cui etiā Professores & Doctores Lipsenses & Wittenbergenses interfuerunt, eandē ubiquitatem corporis seu humanitatis Christi, velut horribile prophanationem omnium articulorum symboli, & reuocationem omnium hæresen, toti orbi Christiano inde usq; ab initio incognitam, proرسus damnavit.

Et tamen eadem hæc ubiquitas, paulo post, nimirum Anno 1580. in eadem ciuitate Dresdenis, velut præcipiu[m] quidā fidei articulus, in librū Concordiæ, veluti in communem Lutherorum fidei formulam receptus & relatus est: in qua etiam idem Iacobus Andreæ, præcipius libri Concordiæ consarcinator, illud ipsum Lutheri pronuntiatum, naturam & cor hominis esse peccatum originis, à se antea approbatum in epistola ad Illyricum typis edita, tanquam Manichæum & leductoriū damnat, ut Christopherus Irenæus Lutheranus minister in libro germanico de vertiginoso spiritu libri Concordiæ pluribus demonstrat & deplorat. Et quis nō videat vertiginosum hunc spiritū, quo omnes Sectariorū hui⁹ temporis cœtus perpetuo agitantur, non esse spiritum diuinū verę Ecclesiæ propriū, sed spiritū diaboli: Non enim est dissensionis Deus; sed pacis; iuxta Apostolū 1. Cor. 14. v. 33. Plura part. 2. Anatomiz confess. Augustana demonstrat. 10 §. 11. & in Dioptra fidei lib. 2. q. 4. cap. 24. & 25.

Secunda demonstratio sumitur secunda proprietate & nota Ecclesiæ, nempe à sanctitate, in hunc modū. Proprium est vera Ecclesiæ Christianæ ita esse sanctam, vt & membra eius quedam præcipua; & leges eiusdem ac insituta sancta sint, atq; ad sanctitatem in suis cultoribus progignendam accommodata: hæc vero sanctitas propria est Ecclesiæ Catholicæ; nec vlli Sectariorum hui⁹ temporis cœtui communis: Ergo sola Ecclesia Catholica est vera Ecclesia. Maior propositio constat ex dictis dubio præcedentibus.

Minor propositio quoad priorem partem, eam scilicet sanctitatē conuenire Ecclesiæ Catholicæ, ppter dicta superius q. 2. dub. 4. probatur, primo ex omnibus factis ac Martyrologijs ipsisq; Calendarijs vulgaris; quibus quotquot Sancti Christianū nomen profecti, ac post Christum defuncti inserti habentur, omnes Catholici fuerunt, utpote magna ex parte Romani Pontifices, Episcopi, Sacerdotes, Eremitæ, Monachi, Moniales, Virgines; quibus vel ex ipso nomine nihil cum Sectariorum fide potuit esse commune.

Secundo probatur ex ipsa aduersariorum confessione, qui vel in iuri hoc Ecclesiæ nostræ testimoniū sibi perhibuerunt. Nam 1. Lutherus in epist. de Anabapt. tom. 2. germanico Wittenbergensi fol. 230. ait, sub Papatu esse multis piis, magnisque Sanctos.

II. Idem Lutherus libro de abroganda Missa priuata tom. 2. latino Wittenbergensi de antiquis Patribus, quo suscepit doctrinæ aduersarios fuisse i-

bidem

bidem agnoscit: Non queritur, inquit, ut sancti vixerint, aut disserint, sed ut vivendum scriptura dicit.

III. Idem Lutherus commentario 2. Epist. ad Gal. cap. 5. ait: Admiratur mundus sanctitatem Benedicti, Gregorij, Bernardi, Francisci, & similiū; quia audit eos magnifica in speciem & insolita quadā opera fecisse. Certe fuerunt etiā sancti Hilarius, Cyrilus, Athanasius, Ambrosius, Augustinus & alii: quos tamen Missarum celebratores, adeoque Catholicos suis, nec ipse Lutherus negauerit.

IV. Idem Lutherus in assertione suorum articulorum initio: Non tamen, inquit, per hæc sanctis Patribus volo detractū auctoritatem, & ingratitudinem pro sanctis eorum laboribus repensam. &c. Sint Sancti viri, & Ecclesiarum Patres. Ita Lutherus.

Qui etiam in procœmī assertionis articulorū, & lib. de captiuitate Babylonica de baptismo, & in sermonibus conuiivialibus, capite de scholasticis Theologis, speciatim etiā Hieronymum, quārumuis alioqui eidem infensus, sanctū, & Diuum appellat; vt & in libro de captiuitate Babylonica de Eucharistia, nostrum etiam Thomam Aquinatem sanctū appellat. Cum autem, vt in Anatonia Confel. Augst part. 1. demonstrat ostendi, Lutherus sēpius protestetur contra Sanctos Patres, tanquam sua doctrina aduersarios, & ex parte Catholicorū stantes, necesse est fateri, eodem Patres non Lutheranos, sed Catholicos fuisse, seu ut ipsi loquuntur Papistū; cum præsertim pleriq; eorum Monachi, omnes autem fuerint Sacerdotes, & RomanoPontifici addicti vt dicit.

Præterea vero V. Philipp Melanchthon in Apologia Confel. tit. de votis monasticis, Bernardum, Franciscum, aliosq; Monachos Sanctos vocat, cum ait: Ideo sancti viri ei (adiaphoris) sine impietate possunt; scut usq; sint Bernardus, Franciscus, & alii sancti viri: Et ibidem superius, 5. respons. ad argumenta: Antonius, inquit, Bernardus, Dominicus, Franciscus, & alii sancti Patres elegunt certum vitæ genus.

VI. Magdeburgenses c. 7. Centuria 7. nempe circa tempora S. Gregorij Papæ, quando vel maxime efforuisse volunt Papatum, ita de moribus Catholicorum eius temporis testantur: Etsi hoc saeculo veri Dei cultus, & virtutum officia traditionibus & superstitionibus humanis obscurata erant, tamen studium seruandi Deo, & pie iustæ, viuendi, miserae plebecula non defuit. Quantus enim fuit amor pietatis, quātus ardor hominum erga Religionem, inde potest estimari, quod nullus modus fuit cumulandi opes Ecclesiasticas. Preceptionibus vero adeo fuerant intenti, ut fere totum diem illi tribuerent; nec Christianus habebatur, qui ignorabat aut non aliquoties recitabat visitas formulas preceptionum, præsertim orationem Dominican, & symbolum. Quarta fuerit reverentia erga ministerium & ministros, quantum concursus ad conciones publicas, dictum est. Magistris honorem ac reverentiam exhibuerunt debitum; amicitiae, concordiae, & societatis erant studiosissimi, adeo ut offensas & iniurias citra negotium remitterent. In honesta quoq; vocatio & labore versari singulis studio fuit. In egenos & peregrinos maximo fuerunt humani & liberales. In iudicis quoq; & contractibus maxime fuerunt veritatis amantes &c.

Et quid multis opus? ipsa ocularis euidentia & experientia attestatur, nullo inquam tempore Ecclesia Catholicae deesse multos, & magnos Sanctos. In quos verissime competit illud, quod Augustinus de sui temporis Sanctis velut admirabundus scriptis, libro de utilitate credendi cap. 17. his verbis: Quod continentia usque ad tenuissimum vultum panis & aquæ, & non quotidiana solum, sed etiam per contextos plures dies perpetuata ieiunia; castitas usque ad coniugij prolisque contemptum; quod patientia usque ad crucis flammæque neglectas, quod liberalitas usque ad patrimonia distributa pauperibus; quod denique rotis buiis mundi aspernation, usq; ad desiderium mortis intenditur. Pauci hoc faciunt: pauciores bene prudenter que faciunt: sed populi probant, populi audiunt, populi fauent, diligunt postremo populi. Populi suam imbecillitatem, quod ista non possunt, nec sine proœcta mentis in DEVM, nec sine quibusdam scintillis virtutis accusant. Ita Augustinus; qui de hoc argumento plural. 1. de moribus Ecclesiæ c. 30. & 31.

Vbi etiam inter alia Ecclesiæ Catholicae allocuens ait: Merito apud te divina præcepta late diffusa sequi seruantur &c. merito tibi tam multi hospitales, multi officios, multi misericordes, multi docti, multi caſi, multi Sancti, multi usq; adeo Dei amore flagrantes, vt eos in summa continentia arg. huic mundi incredibili contemptu, etiam solitudo delectet. Et cum ibidem in specie Anachoretarum seu Eremitarum & Cenobitarum seu Monachorum itemq; Monialium sumam vitæ sanctitatem perceperunt, tandem concludit: Hos mores, hanc vitam, hunc ordinem, hoc institutum, si laudare velim neque digne valeo &c. & mox: Hac Manichai reprehendit si potest. Nolite ex his hominibus & discernere inuidios, ostendare nostra Zizania.

Et rursus ibidem cap. 32. de ceteris Ecclesiæ Præfulibus ac Ministris loquens: Quam multos, inquit, Episcopos optimos viros, sanctissimosque cognoui; quam multos Presbyteros, quam multos Diaconos, & huicmodi ministros diuinorum sacramentorum; querum virtus eo mihi mirabilior, & maiore prædicatione dignior videtur, quo difficilis est, eam in multiplici hominum genere, & in ista vita turbulentiore seruare.

Denique cap. 33. concludens ita loquitur: Ihsus, Manichai, si potestis obstatte; intruimini; istos sine mandato, si audetis, & cum contumelia nominate, istarum ieiunijs vestra ieiunia, castitati castitatem, vestitum vestitui, epulas epulis, modestiam modestia, charitatem denique charitati, & quod res maxime postulat præcepta præcepta conferte &c. Nunc vos illud admoneo, vt aliquando Ecclesia Catholica maledicere desinatis, viuperando mores hominum, quos & ipsa condemnat, & quos quotidie tanquam malos filios corrigerere studeat.

Ex quibus omnibus intelligit lector, tam illum inuenit iam olim fuisse atq; etiam in esse multorum in Ecclesia Catholica sanctitatem, vt eam nec ipsi quidem aduersarij facile negare possint; vt cunque interim etiam in Ecclesia Catholica, multi in omni vitæ genere sint improbi: quod Ecclesia sanctitati nihil officit; quandoquidem hoc ipsum prædictum Christus, futurū scilicet, vt in vera Ecclesia zizanico, bonisque piscibus

127

128

129

130

131

mali, usque ad seculi consummationem sint permixti. Ita nihil veritati Ecclesia Catholica obstat, multos habere malos inter bonos, sed nullos plane bonos sanctosque habere, non potest nisi falsa Ecclesia conuenire.

132

Eadem minor, quoad secundam partem, nempe in Ecclesia Sectariorum nullam eiusmodi reperiri sanctitatem, sive quoad personas, sive quoad doctrinam & institutam, probatur primo propria ipsorum sectariorum confessione. Primo enim Lutherus in postilla domestica, Dominica prima Aduentus, de sua doctrina, suisque discipulis, ita loquitur: *Mundus ex hac doctrina in dies deterior evadit: quod peccati demoni opus & negotium est. Enimvero videmus, quod hoc tempore homines sunt magis auari, immisericordes, impudici, procares, adeo deteriores, quam antea in Papatu fuerunt.* Et in sermonibus coniuiyalibus germanicis: *Mirabilis, inquit, & plena offendicula res est, quod ab eo tempore, quo prima Euangelij doctrina in lucem reuocata, mundus de die in diem deterior evasit, Christiana libertate quilibet ad libitum abutitur, non secus ac si cuilibet quilibet facere concessum sit, &c.* Et ibidem ait, post reuelationem Euangelium, *virtutem esse occisam, iustitiam oppressam, temperantiam ligatam, veritatem a canibus dilaceratam, fidem clausam, nequitiam quotidianam, devotionem pulsam, heres in relictam.*

133

Nec minus tragicus Schmidelinus concione 4. ad caput 21. Lucæ inter cætera ait: *Christianæ discepplina apud nos, nouis Papatus, nouis Monachismus existimat.* sic enim inquit: *Didicimus modo per solam fidem in Christum salvare, qui sua morte pro peccatis omnibus satisfecit: nos vero satisfacere non possumus nostris ieiunijs, eleemosynis, precatiobibus, ac alijs operibus. Quamobrem sine & permisce, ut huiusmodi opera missa faciamus, cum per Christum aliquin salvare possemus, Solum gratia Dei Christi & meritis natamur.* Atq. ut totus mundus agnoscat, eos non esse Papistas, nec bonus operibus quicquam fidere, illorum etiam operum nullum penitus exercent. *Ieiunij loco, commissationibus & perpetrationibus nocte dieq; vacant. Vbi pauperibus benigne facere oportebat, eos deglubunt & excoriant. Precationes vertunt in iuramenta, blasphemias, & diuini nominis execrationes; id, tam perdite, ut Christus ne ab ipsis quidem Turecū hodie tantopere blasphemetur.*

134

Denique Erasmus in epistola Anni 1529. ad Valcurium Neocomum, ita scribit: *Circumspice populum istum Euangelicum, & obserua, numminus illic indulgetur luxus, libidini & pecuniae, quam faciunt ij quos detestantini. Profer mihi, quem istud Euangelium ex commissatore sobrium, ex feroci mansuetum, ex rapaci liberalem, ex maledico benedicum; ex impudico rediderit verecundum. Ego tibi malos ostendam, qui facti sunt seipsis deteriores.*

135

Similia habent Lutherus in præfatione postilla Ecclesiastice, & ibidem Dominica 26. post Trinitatem, & in commentario 2. prolixiori in Epistolam ad Galatas cap. 1. & cap. 5. Melanchthon ad ca. 6. Matthæi, Ioannes Wigandus lib. de bonis & malis Germaniæ, Andreas Musculus Dominicæ 1. Aduentus, Ioannes Brentius ad cap. 3. Matthæi, Gaspar Hedio epistola ad Melanchthonem, Ioannes Spangenbergius in narratione beneficiorum Dei, Bucerius lib. 1. de Regno Christi cap. 4. Menno lib. 1. de Christiana fide mulieris,

EtasMus epistola ad fratres Germaniæ Inferioris tom. 9. fol. 1308.

137

Secundo probatur eadem pars minoris, ex generali confessione & professione Sectariorum. Cum enim ipso sit profiteantur haec dogmata. 1. Præcepta diuina à se seruari non posse. 2. Se ipsis in omnibus operibus suis peccare mortaliter. 3. Ac proinde nullum vere bonum opus facere. 4. Obseruationem Consiliorum Euangelicorum, de voluntaria paupertate, continentia, & obedientia perpetua, nullius esse momenti; sed potius cultus esse superstitiones. 5. Corpus non esse certis ieiunijs, alisque penitentiæ modis castigandum, & in servitudinem redigendum. 6. denique quemlibet Lutheranum, iuxta ipsum Lutherum in institutionem & doctrinam, in comment. cap. 1. epist. ad Galat. in periculo & pugna mortis, vere ac serio profiteri posse & debere, nihil scilicet præter peccata & ea vera & gravissima, non facta & inanis, videlicet summam infidelitatem, dubitationem, desererationem, contemptum Dei, odium, ignoranciam, blasphemiam Dei, &c. Quo modo fieri potest, vt nullus Lutheranorum, vel etiam aliorum sectariorum sit sanctus?

138

Iam vero quod speciatim ad leges & instituta sectariorum attinet, ea ad pietatem gignendam & fouendam accommodata minime esse, sed potius ad omnem vitæ licentiam prouocare, partim ex dictis colligitur, partim ex his eorum pronuntiatis luce clarius demonstratur. Namrum primo hominem sola fide iustificari & saluari. 2. operabona non esse ad salutem necessaria. 3. diuinorum præceptorum obseruationem esse impossibile. 4. Ieiunia Ecclesiastica non esse obseruanda. 5. Peccata commissa nec in confessione, homini necessario aperienda, nec vlla satisfactione bonorum operum expianda. 6. Nec virginitatem matrimonio; nec paupertatem voluntariam diuiniis antepondam: Continentiam vero à mulieribus, aut impudicis actibus (nisi Deus miraculum faciat) nec possibile quidem homini ætatis & roboris integri, &c. 7. Hominem nullum habere liberum arbitrium faciendi bonum, & omittendi malum, vel contra; vt præter Calvinistas, docent etiam Lutherani in articulis Schmalcaldicis libro Concordiæ insertis part. 3. art. 1. de pecc. quis autem non videt, talibus pronuntiatis homines aperiisse à studio bonorum operum & fuga vitiorum auocari? quis eligat aut satagat recte agere, aut malum fugere; cum vt isti clamant, neutrum sit in hominis potestate? quis peccata multum horrescat, quæ nec confessione, nec satisfactione, nec vllis poenis expianda vel luenda, modo credas, &c.

139

Huc spectant etiam peculiaria quædam Lutheri, velut magni huius temporis Sectariorum Patriarchæ pronuntiata: qualia sunt. I. Summa & sapientia Christianorum est, nescire legem, ignorare opera, & totam iustitiam actuam. Ita Lutherus in arguento epistola ad Gal. comment. 2. tom. 5. latino Wittenberg. II. Nisi ignoraueris legem & iram Dei, sed meram gratiam & misericordiam, non potes salvus fieri. Idem ibidem. III. Hac iustitia (noui Euangelij) est, prorsus nihil facere, nihil au-

dire,

136

dire, nihil scire de lege aut operibus. Idem ibidem. IV. Nisi Christiana iustitia discrete discernatur, à iustitia actua legis, non poterimus servare veram Theologiam. (ex illa enim, & in illa sola doctrina sic & constitit Ecclesia :) sed simus statim iurista, Ceremoniarum, legis, Papiste. Idem ibidem V. Papistæ docent: Fides in CHRISTVM iustificat quidem, sed simul servari oportet etiam præcepta DEI, quia scriptum est: si vis in vitam ingredi, serua mandata Dei: ubi statim Christus negavit, & fides absoluta est. Ita Lutherus cit. Comment. 2. in epist. ad Galat. cap. 2.

VI. Hac nostra est Theologia, & paradoxa rationi mirabilia & absurdâ, quod non solum cœci, surdi sum legi, & liberabea, sed eipane mortuus. Et paulo post: Cum lex, inquit, accusat & ostendit peccatum, conscientia statim dicitat, peccasti. Si tunc tenes, qua Paulus hic docet, respondes, verum est, peccavi. Ergo Deus puniet & damnabit te. Non. Imo lex Dei hoc dicit. Nihil mibi cum hac lege. Quare? quia habebas aliam legem, qua cogit hanc obmutescere, libertatem scilicet. Quamlibetatem? Christi. Per Christum enim liberatus sum à lege. Et hoc dentes est excutere, hebetare aculeum, & omnia arma eius, eamq; prouersare. Ita Lutherus citat. Comment. ia cap. 2. Epist. ad Galat. qui etiam ibidem inferius Christum vocat Tyrannum, Tortorem, carnificem legis, & diabolum, legisq; aduersarium.

VII. Ita vides, quam diues sit homo Christianus, sine baptizâ, qui etiam volens non potest perdere salutem suam quamvis cumq; peccatis, nisi nolit credere. Nulla enim peccata eum possunt damnare, nisi sola incredulitas. Ita Luther⁹ lib. de captiuit. Babylonica tit. de baptismô tom. 1. latino Wittenberg pag. 78. Qui tamen ipse tuara hanc impietatem (rursum sibi ipsi contrarius) in articulis Schmalcaldicis par. 3. a. 3. sub fine m̄ condamnat.

VIII. Quanto sceleratior es, tanto citius Deus suam gratiam infundit. Ita Lutherus in sermone de pescatura Petri. IX. Causamus à peccatis, sed maxime ab operibus bonis & legibus, salamq; promissionem Dei attendamus & fidem. Ipsa enim brevis est perfectio: nec aliqua lex requiritur, aut opus, immo legem profundit & opus. Ita Lutherus sermone de novo testamento, siue de Missa.

144 De quo proinde etiam Nicolaus Amsdorffius; antiquus & rigidus Lutheri discipulus, in libro, quem contra Maiorem mollem Lutheranum hoc titulo inscripsit, quod bona opera sint pernicioſa ad salutem, inter cetera ait, Lutherum plusquam in uno loco expresse scripsisse, quod bona opera sint pernicioſa ad salutem; quod ibidem pluribus Lutheri testimonijs comprobatur.

145 Omitto alia Lutheri, partim obscena, partim seditionis pronunciata, quæ parte 1. anatom. confess. Augustanæ demonstrat. 8. a. n. 33. & 38. re-tuli. Ex dictis enim satis abunde colligitur, Lutheri doctrinam non fuisse sanctam, sed plane profanam, Epicuræam, scandalosam.

Vt proinde non in merito Carolus V. Imperator in edito Wormatioſi Anno 1521. ex consensu etiam aliorū Principum Imperij de Lutheri scripsit: obedientiam & regimen omne prorsus tollit, una de populi ad defectionem & rebellionem à suis tam Ec-

clesiasticis, quam secularibus Dominis faciendam, ad rapinas, cedēs, incendia, cum magno & manifesto Christiana Republica discrimine prouocantur. Quin vero cum vitam quandam salutem, licentiosam, aquæ omni lege explicitam, & vere serinam inducere conetur, ita ex lex homologes omnes damnat & contemnit, ut decreta SS. Patrum, & sacros Canones publico igne comburere non formidauerit, facturus peiora ciuii iuri, si non magis seculi gladium, quam Pontificis excommunicationes & censuras metuisset.

Omitto cetera, quæ ad personam Lutheri, eiusque impietatem pertinent, à me ex instituto exposita 1. part. Anatomie Confession. Augustanæ; Vbi probauit Lutherum fuisse. 1. Apostolam. 2. sacrilegum falsarum scripturae. 3. & symboli Apostolici. 4. Pseudoprophetam. 5. Pseudo apostolum à Deo non missum. 6. diaboli discipulum. 7. impium contemptorem SS. patrum. 8. superbum, ebriosum, mēdaceum, spurcū & maledicū scurrā, ac seditionis flagrionē. 9. proprio iudicio ac conscientia damnatum. 10. hæresiacham. Quæ sigillatim decem demonstrationibus fuse proœctus sum.

Ceterum contra hanc demonstrationē obiectur primo, etiā inter Sectarios esse ac fuisse multis Santos; nimurum 1. infantes qui post baptismum ante rationis vsum dececerunt. 2. Martyres, qui pro fide Lutherana vitam posuerunt. 3. Quosdam moraliter bonos.

Respondeatur, infantes illos, cum non ex doctrina, seu vita aequali fide, sed ex solo baptismo sanctificati fuerint, non ad Lutheranam, sed ad Catholicam Ecclesiam pertinere, ad quam & baptismum ipse pertinet; & à qua Sectarij baptismum habent; vt in simili etiam notauit Cyprianus epist. 73. contra Nouatianum.

Martyres autem illi (pauci & obseuri, sepe etiam aliorum scelerum rei) eius fuerunt testes, cuius fidei testimonium perhibuerunt: non Christi videlicet, sed diaboli; de quibus Augustinus cōfessione 2. in psalm. 34. Martyres non facit pena, sed causa. Et Cyprianus lib. de unitate Ecclesiae: Ardeant lictus flammis, & ignibus traditi, vel obiecti belis, animas suas ponant, non erit illa fidei corona, sed pena persidia, nec religiosa virtus exitus gloriosus, sed desperationis interitus. Occidentalis potest, coronari non potest.

Homines vero illi moraliter boni, si qui apud Sectarios reperiuntur, tales certe non euaserunt ex vi & ductu noui Euangeliū, quod profitebantur; esto fortassis bonitas indolis ac naturæ vicerit nonnunquam eius Euangeliū improbitatē. Quod si tamen illi ipsi cum honestate quadam moraliter pertinaciam falsa fidei adiunctam habuerunt, certum esse debet, eos nec saluos, aut Santos esse potuisse, si ita dececerint; quando sine fide impossibile est placere Deo, Hebr. 11. & simul etiam præter hæresim, pluribus alijs peccatis sanctitati aduersis fuisse obnoxios; ita vt proinde ne unus quidem nominari ab aduersarijs adulitus possit, quem virinque fatemur in fide Catholicæ aduersa fuisse salvatum; cum tamen è contrario aduersarij multos fidei

nostræ cultores, eosdemque non tantum infantes, simplices, quoque ipsa ignorantia à grauisimis fidei erroribus excusare potuerit; sed ipsos etiam fidei nostræ Doctores fortissimosque propagnatores fateti cogantur Sanctos fuisse, ut superius ostendimus.

¹⁴⁸ Obijicitur secundo, etiam in Ecclesia Catholicæ multos esse malos; ac præcipue vitam Ecclesiasticorum quorundam admodum subinde scandalosam.

Respondeatur, hoc nihil obesse veritati Ecclesiæ Catholicæ; in qua Christus ipse prædictum cum Zizanijs, adeoque bonos cum malis fore permixtos. Matthæi 13. v. 15. Qui etiam contra scandala Ecclesiasticorum satis ipse cautum esse omnibus voluit Matthæi 23. versi. 2. Super cathedram Moysi federunt scribæ & Pharisæi. Omnia ergo quacunque dixerint vobis, servate & facite, secundum opera vero eorum nolite facere; dicunt enim & non faciunt. Bene de hac re Erasmus in Epistola ad fratres Inferioris Germaniæ. Vbi inter alia. Congerantur in unum Sacerdotum luxus, libido, ambitione, avaritia, & si quid præterea criminum est, totam hanc vitorum Lernam una superat heres. Atque hanc demonstrationem ex secunda nota, nempe sanctitate Ecclesiæ petitam, pluribus explicauit p. 2. Anathom. confess. Augustana demonstrat. 8.

Nunc ad tertiam Ecclesiæ proprietatem & notam, quæ est, esse Catholicam, deueniendum est: à qua triplex alia sumitur demonstratio; quas nunc ordine subiiciemus.

¹⁴⁹ Tertia igitur demonstratio, pro veritate Ecclesiæ Catholicæ, sumitur ab ipso nomine Catholicæ, de quo Augustinus ante annos plus milles ducentos contra epistolam fundamenti c. 4. ita etiam scriptit: *Tenet me in Ecclesia ipsum Catholicæ nomen; quod non sine causa inter tam multas hereses, sic ista Ecclesia obtinuit, ut cum omnes heretici se Catholicos dici velint, querenti tamen peregrino aliqui, ubi ad Ecclesiam Catholicam conueniatur, nullus hereticorum vel basilicam suam, vel domum audeat ostendere.* Quare ita argumentamur: Proprium est Ecclesiæ veræ, dici Catholicam, tam à suis, quam ab alienis: hoc autem solum conuenit nostræ Ecclesiæ Catholicæ & Romanæ; non autem ullis ceteris sectariis huius temporis: Ergo sola Ecclesia Catholicæ & Romana est vera Ecclesia. Maior huius syllologismi patet ex Sancto Augustino loc. citat. & ex dictis dubio præcedenti, circa tertiam Ecclesiæ proprietatem, vbi ostendimus, hanc esse consentientem SS. Patrum doctrinam & traditionem, quæ in re ad modum loquendi proprie spectante, testimonij loco abunde sufficit.

¹⁵⁰ Minor probatur ipsa evidentiâ facti. Nemo enim communis vnu loquendi, Sectarios Catholicos vocat aut eorum Ecclesiam Catholicam, ut satis etiam fatetur Egidius Hunnius in examine Protocolli Monacensis de colloquio Ratisponensi, nec obscure agnouit ipse Lutherus, dum ex Symbolo Apostolico germanico, vbi de Ecclesia sermo est, expunxit voculam, Catholicam.

E contrario nobis Catholicæ & Catholicæ Ecclesiæ

nomen etiam ipsi aduersarij tribuunt, ut dolenter agnoscit Jacobus Hailbrunner in suo Aca-tholico volumine pag. 457. & videre est in plerisque Catalogis librorum, quos ipsi in nundinis Francofurtensis conficiunt, & typis impressos edunt; vbi nostrorum libris hanc Epigraphen præfigunt: *Libri Theologici Catholicorum, qui Romana Ecclesia subiectiuntur;* cum tamen suos interim libros vel Protestantum appellant vel eorum, qui confessioni Augustana adharent. Idem faciat ipsa Confessio Augustana latina, Concordia libro inserta, præfatiuncula abusibus, vbi dicitur: *Cum Ecclesia apud nos de nullo articulo fidei dissentiant ab Ecclesia Catholicæ; tantum paucos quoddam abusus omittant.* Et. Vbi per Ecclesiam Catholicam utique nostram intelligunt, à qua, ut ipsi aiunt, non nisi ratione quorundam abusuum dissentiant.

¹⁵¹ Obijicitur; nostram Ecclesiam passim etiam vocari Papisticam itemque Romanam. Respondeatur primo, Papistarum nomen non nisi à Sectarij nobis imponi; more etiam veterum hereticorū; qui Catholicis antiquam, & tot sculpsis præscriptam appellationem subinde inuidentes, nouis eos agnominibus quasi per ludibrium traducere conabantur. Sic enim iam olim etiam Catholicæ à Valentianis hereticis dicti sunt *simplices*, ab iisdem, & à Montanistis *psychici*, seu *Animales*; à Donatistis *Macariani*; ab Origenistis *Philestora & Animales*; à Vigilantio *Cinerary*; ab Acephalitis *Synodite*; à Iacobitis *Melchite*; à Gracis *Aymite* vt & ab Arianis, *Hemousiani*. Vna videlicet est Catholicæ Ecclesia; cui hereses alia diuersa nomina impununt: cum ipsa finis proprijs vocabulis (v.g. Lutheranorum Caluinistarum, Zwinglianorum, &c.) que negare non audeant, appellantur; ut recte dixit Sanctus Augustinus lib. de utilitate credendi cap. 7.

¹⁵² Responderetur secundo; quod ad rem ipsam ijs nominibus significatam attinet, quæ est consensus & vnu cum Papa seu Romano Pontifice, & Cathedra Apostolica, tantum abest, eam ullius false Religionis esse notam, ut potius semper in Ecclesia Christi pro orthodoxi symbolo habita fuerit, ut quæstione sequenti dicetur. Hic vnius Hieronymi testimonium sufficiat Epistol. 28. vbi ait: *Ego interim (inter varios Sectariorum ceterorum) clamito; si quis cathedra Petri iungitur, meus erit.*

Sed & ipsum Romanum nomen olim cum à nostris, tunc ab hereticis, non nisi Catholicæ adeoque orthodoxæ Ecclesiæ tribui consuevit, ut videre est apud eundem Hieronymum in Apologia aduersus Russinum vbi ait: *Eidem suam quam vocat? eamne quæ Romana pollet Ecclesia? an illam, quæ in Origene voluminibus continetur? si Romanam responderit; Ergo Catholicæ sumus, qui nihil de Origene errore transculimus.* De qua re plura in Apologeticæ prefationis Colloqui Ratisponensis cap. 5. & part. 2. Anatomæ confess. August. demonstrat. 1.

¹⁵³ Quarta demonstratio sumitur ab eadem tercia proprietate seu nota vera Ecclesiæ, quæ est esse Catholicam, quatenus eo nomine significatur

vniuer-

vniuersalitas temporis, seu constans duratio ab ipsius Christi & Apostolorum temporibus, ad nos vsque, nusquam interrupta serie continuata; quam ita formamus. Proprium est veræ Christi Ecclesiæ, ab ipsius Christi & Apostolorum temporibus, vsque ad finem mundi, adeoque ad hæc ipsa etiam nostra tempora constans & perpetua duratio: hæc autem proprietas, inter omnes coctus, qui Christi nomen profertur, soli Ecclesiæ Catholicæ; non autem ulli sectariorum huius temporis conuenit, ergo sola Ecclesia Catholicæ est vera Ecclesia. Maior propositio probata est ex scriptura, dubio præcedenti, & luce clarior patet vel ex vno illo loco, Matthæi 16. vers. 18. *Portæ inferi non præualebunt aduersus eam,* nempe veram Christi Ecclesiam.

154 Quam perpetuitatem veræ Ecclesiæ tradunt etiam SS. Patres speciatim Irenæus lib. 3. cont. hærel. cap. 3. & 4. Tertullianus de præscript. cap. 28. & 31. Cyprianus lib. de vnitate Ecclesiæ cap. 5. Ambrofius lib. 4. hexaem. cap. 7. Epiphanius hærel. 55. & 75. Basilius epistola 61. Chrysostomus sermone de Pentecoste, & in caput 7. Isaiae, & in homilia cum in exilium mittendus esset, & in demonstratione aduersus gentes, Synodus germana Ariminensis apud Athanasium epistol. de synodo Arim. & Seleuc. Theophilus Alexandrinus epistol. ad Epiphan. quæ est apud Hieron. epistol. 67. Vincentius Lirinensis commonit. cont. hærel. cap. 3. 4. 5. 6. & 38. & alij quam plures.

155 E quibus tria hic tantum testimonia alijs clariora inserere placuit. Primum sit Athanasij, qui in oratione, quod vnu sit Christus, ita loquitur: *Tu es Petrus,* inquit CHRISTVS, & super hanc petram adificabæ Ecclesiæ meam; *& portæ inferi non præualebunt aduersus eam.* Fidelis sermo, & non vacillans premisso. Ecclesia iniuncta res est. Etiam si infernus ipse communicatur, & si qui in inferno sunt, mundi principes & tenebrarum tumultum faciant. Similia habet in sermone contra omnes hæreses, & in lib. de decretis Nicæna Synodi, contra Eusebium, & in epistola ad omnes orthodoxos.

156 Secundum est Hieronymi in dialogo contra Luciferianos cap. 9. vbi ait: *In illa Ecclesia permanendum est, quæ ab Apostolis fundata, usque ad hanc diem durat.* Sicubi audieris eos qui dicuntur CHRISTI (feu Christiani) non à Domino IESU CHRISTO, sed à quoquam alio nuncupari, utpote Marcionitas, Valentinianos, Montenses sive Campitas, scito non esse Ecclesiæ CHRISTI, sed Antichristi esse synagogam. Ex hoc enim ipso quod postea instituti sunt, eos se esse indicant, quos futurus Apostolus prænuntianit 1. Timoth. 4. Similia habet idem Hieronymus in caput 4. Isaiae & in epistola ad Pamachium & Oceanum.

157 Tertium est Augustini concione 2. in psalm. 101. vbi ait: *Sed illa Ecclesia (inquit Donatista) quæ fuit omnium gentium, iam non est, periret.* Hoc dicunt qui in illa non sunt. O impudentem vocem. Illa non est, quia tu in illa non es? Vide ne tu ideo non sis: nam illa erit eis tu non sis. Hanc vocem abominabilem & detestabilem, præsumptionis

& falsitatis plenam, nulla veritate sufficiat, nulla sapientia illuminatam, nullo sale conditam, vanam, temerariam, præcipitem, perniciosem præedit spiritus DEI &c. Similia habet in psalm. 47. & Epistol. 48. & in libro contra epistolam fundamenti cap. 4. & in libro de utilitate credendi cap. 14. Qui etiam lib. 4. de baptismo contra Donatistas cap. 24. & epistol. 118. ad Ianuarium, & lib. 1. contra Cresconium cap. 33. pro indubitate fidei dogmate habet, quidquid vniuersalis Ecclesia credendum proponit.

Quibus postremo addo ipsam Sectariorum, huius temporis confessionem, qui etiæ alijs locis aliter loquantur, in ipsa tamen confessione Augustana negare, aut dissimilare tam apertam veritatem non potuerunt. Sic enim habet articulus 7. de Ecclesia: *Item docent, quod una sancta Ecclesia perpetuo mansura.* Est autem Ecclesia Christi proprie congregatio membrorum Christi, hoc est, sanctorum qui vere credunt & obediunt CHRISTO; etiæ in hac vita huic congregationi multi mali & hypocrita admixti sunt, usque ad nouissimum iudicium. Habet autem Ecclesia proprie dicta signa sua, scilicet puram & sanam Euangeliæ doctrinam, & regnum usum sacramentorum. Vbi expresse fatentur, veram Christi Ecclesiam, cuius nota sunt pura & sana Euangeliæ doctrina, & rectus usus Sacramentorum, perpetuo esse mansura, & quod consequens est, perpetuo permansi-

158

fe. Minor propositio eiusdem argumenti, quoad primam partem, nempe Ecclesiam Catholicam semper hactenus perdurasse, probatur primo; quia in ea nullo vnuquam tempore facta est aliqua fidei mutatio; nec Ecclesia Catholicæ vnuquam ab aliquo antiquiori Ecclesia Christi se separauit; neque si de hæreticis seu Heterodoxis, qui quovis tempore extiterunt, loquiamur, nos ab illis, sed illi à nobis recesserunt, vt contra sui temporis hæreticos loquitur etiam Cyprianus de vnitate Ecclesiæ cap. 9. Sed eadem Catholicæ Ecclesia continua serie ab Apostolis ad nos usque, sine vnu interruptione, propagata est; ita vt semper posterior Ecclesia, cum ea, quæ immediate præcesserat, communicans, eidem nusquam interrupto societas vinculo copularetur; & quidquid prior illa Ecclesia credendum censuisset, posterior non abrogaret: quidquid autem à posteriore enucleatus forte circa fidem esset explicatum, aut quoad mores oportunius constitutum, id prioris Ecclesia fidei & doctrinæ contrarium non esset; sed prorsus consentaneum ac conforme; ac proinde etiam ab eadem illa priori Ecclesia minime improbaretur, vt ex ipsa continua serie historia Ecclesiastica patet: ex qua sectarij, quamvis sèpius pronocati, nullum vnuquam certum tempus certosue authores, quo, vel à quibus aliqua circa fidem mutatio, & à priori Ecclesia discessio in Ecclesia Catholicæ facta sit; nominare potuerunt: cum tamen singularium sectarum & hæreton certi authores, certaque origines ostendi possint.

Et quia Ecclesia Catholicæ in diuturna admodum possessione, per mille & amplius annos

legi-

legitimè ac perpetuo continuata successione Apostolica perdurauit, idcirco nec tenetur quidem ad aliam probationem, sed in sua possesso ne iure perseuerat, donec Sectarij, noui vique homines, qui se & ab Ecclesia Romana, & hoc ipso ab vniuersa antiqua Ecclesia Christi visibili separarunt, eique item de legitima successione & aucta hæreditate Apostolorum mouere coeperrunt, contrarium perspicuo aliquo argumento probent; quod in æternum non facient; quantumvis Jacobus Hailbronner, in catholico volumine, cum suis Symmystis, multum quidem & operose hac in re, sed inaniter, magnaue etiam ex parte pueriliter laborauerit, ut fuisse & perspicue ostendi in Anatom. confess. Augustinæ part. 2. obiect. 7. à num. 204. usque ad 256. quæ nihil opus est hoc loco repetere.

161. Eadem vero minor propositio, quoad posteriorem partem, nempe eam Ecclesia perpetuitatem nulli sectariorum huius temporis cœtu conuenire, probatur primo ipsorummet aduersariorum confessione, qui non raro fatentur, suam doctrinam, quo primum tempore à Lutherò prædicata fuit, fuisse nouam, & superioribus faculis incognitam, nec puram doctrinam multis ante Lutherum seculis in Ecclesia fuisse auditam. Ita enim I. loquitur præfatio confessionis Augustinæ ad Lectores; præcipuos locos doctrina Christianæ, ad id tempus, pernitiosissimis opinionibus obrutos fuisse, quibus ipsi lumen attulerint. II. Philippus Melanchthon in præfatione confessionis doctrina Ecclesiarum Saxoniarum ait: Erat ignota tota haec consolatio necessaria omnibus; quomodo conuersus ad Deum sit iustus, & placeat Deo. III. Idem Melanchthon in præfatione primi tomii Lutheri ait; post densas admodum tenebras, Euangelij lucem Ecclesia, ministerio Lutheri, redditam esse; & Deo gratias agendas, quod hanc Euangelij lucem rursus patet fecit. Idem: Omnes, inquit, articuli doctrina Ecclesiastica, deterris sordibus priorum temporum, magis fulgere coepertur. IV. Idem Melanchthon in caput 3. I. Corint. statim ab initio Ecclesia scriptores veteres obscurarunt doctrinam de iustitia fidei; auxerunt ceremonias, & finierunt peculiares cultus. V. Idem Melanchthon in præfatione sui corporis doctrinae: Quanta letitia, inquit, primam scintillam lucis patefacta a Lutherò, statim in tota Germania, homines non Epicurei (imo Epicurei) spicabant?

162. VI. Ipse etiam Lutherus idem expresse fatetur, in præfatione operum suorum, vbi ait: Primo solus eram; hoc est nullum ante me ducem & asseclam meæ doctrinæ meique Euangelij habui. Item cum in libro de Ecclesia sub fine mentitur. Papam scripturam sacram in cano & puluere sepelisse, & doctrinam Christianam pene integrum deleuisse. Quo spectat, quod idem de abroganda Missa priuata tom. 2. latino Wittenbergensi protestatur, tam aduersus communem ritum & usum Ecclesia, quam ipsorum Patrum statuta, quodque in colloquijs latinis tom. 2. capite de Pastoribus ait., Tertulliani & Cypriani atate degenerasse Ecclesiam; imo ipsi Apostolis adhuc viventibus.

163. VII. Georgius Spalatinus in relatione de confess. August. quæ tomis Lutheri inserta est,

de ea ipsa confessione asserit; confessionem talcm, non solum à mille annis; sed nec à condito quidem orbe unquam factam esse. Neque vel in illa historia, inquit, neque apud ullum antiquum Patrem, seu Doctorem, talis confitio vspianam reperitur. IX. Centuriatores Magdeburgenses, tum alibi saepius, tum imprimit centuria 5. in epistola dedicatoria, de fidei doctrina eo seculo depravatâ, hoc est, suo pseudoeuangelio opposita, inter alia his verbis queruntur: Legis diuina cultus traditionibus humanis obrubantur. Nam in admiratione erant varia & exacerbata, secessiones ab hominibus, spontanea ieiunia, afflictiones corporis. Pascha enim monasteria & Eremitarum celle surgebant: & habebant precones, Augustinum, Chrysostomum, & alios præstantissimos vires. Hinc etiam summa fidei articulus, de gratita remissione peccatorum per fidem in Christum obscurari, & vivi capi. Sc. Doctrina etiam de bonis operibus varie est corrupta.

X. Idem testatur præfatio Concordia Lutheræ, vbi Deo gratias agunt, quod post tenebras illas Papisticarum superstitionum, puram & sinceram Euangely lucem exoriri & prælucere voluit. XI. Idem agnoscit Jacob Hailbronnerus in suo Acatolico volume a. 15. cap. 7. pag. 475. vbi ait; Intra centenos aliquot annos, præcipue in occidentalibus regnis, & provincijs, nullam fuisse Ecclesiam visibilem (inuicibilis enim vera Ecclesia nulla datur) præter Pontificiam. Et a. 15. cap. 7. pag. 478. Lutheranam doctrinam vocat, veritatem diuinam denunciare. Et cap. 9. pag. 479. fatetur, veram ac puram Ecclesiam in perpetua ac non interrupta serie ac successione non constitisse, sed per apostasiam a vera fide interruptam fuisse.

Et ut etiam de alijs sectarijs testimonia profaram, idem testatur Caluinus lib. 4. instit. cap. 2. §. 1. vbi ait: Simul ac in arcem religionis mendacium irrupt, summa necessaria doctrina inuersa est; Sacramentorum usus corruist; certus Ecclesiæ interitus consequitur: perinde atque de vita hominis actum est, ingulo transfixo, vel præcordijs letaliter fauciatis. Et in response ad Sadoleatum. Palam est conspicuumque, eruditus simul ac indocti, præstratum fuisse Christi regnum, cum eretus est Pontificis Romani Principatus. &c. sublatâ fidei insufficiens cognitione, & Christi gloria extincta est, & abolita religio, & Ecclesia destruta, & spes salutis penitus evanescit. Ita Caluinus: qui etiam lib. 3. instit. cap. 5. §. 10. fatetur, iam ante mille & trecentos annos usum receptum fuisse, ut precationes fierent pro defunctis. Et in questione de iustificatione fatetur, veteres Patres sue doctrina aduersarios esse. Ac ne Augustini quidem sententia, inquit Caluinus lib. 3. cap. 11. §. 15. recipienda est, qui gratiam ad iustificationem refert, qua in vita nouitatem generamus. Quem secutus Kemnitius 1. part. Exam. Non mouemus, inquit, item, quomodo iustificationem accipiunt Patres. Et infra.. Non ignore, aliter loqui Patres; sed de proprietate linguarum questione est.

Similiter Bernardinus Ochinus in præfatione dialogorū: Considerans, inquit, quemadmodū Christus Ecclesiam suam potentia, sapientia, bonitate sua fundauerit, exstruxerit, stabiliuerit, suoque sanguine lauerit, & spiritu ditauerit; eamdemque rursus

fundiu

funditus euersam videns, non potui sine non mirari. Deniq; Sebastianus Francus epistola de abrogandis statutis Ecclesiast. ait: Statim post Apostolos, omnia inuersa sunt: verus baptismus in pueroru baptis̄ abijt; Cœna Domini in sacrificium transformata est. Vnde pro certo habeto, externā Ecclesiam, vna cum fide & sacramentis, operā Antichristi, statim post Ap̄stolorū discessum euanisse. Et hisce mille quadringentis annis nusquam externā & visibile Ecclesiam fuisse; Qui omnes cum aperte fateantur, pluribus ante Lutherū, & Calvinum saeculis, nullam purā, veram, ac visibilem Christi Ecclesiam fuisse, necessario etiā fateri debent, suam Ecclesiam (quam singuli quicq; ex Sectariis pro vera virtut; Ecclesia videntur) vna cum doctrina cuiusque sectæ propria totidem saeculis non fuisse, adeoq; nouam esse.

Secundo probatur id ipsum vniuersali inductione, per singulas etates, singulasq; sectas, siue Ecclesias à Catholica Ecclesia diuersas, quotquot retro per mille annos, vsq; ad Lutherum, ex Ecclesiastica historia reperiri aut nominari possunt. Nella enim penitus hæresis, nulla secta, nullus hominum cœctus, nulla domus, nullus angulus ostendit potest, quantumvis minimus, intra mille annos Lutherū antegressos, qui eandem cum Luthero, aut cum Zuinglio, aut cum Caluino, aut cum Anabaptistis, alijq; singulis huius temporis sectis fidem habuerit; quicq; non in pluribus, ijsdemq; grauissimis fidei dogmatibus & articulis, ab ijsdem huius temporis sectis dissideret. Quam inductionem prolixè & ex instituto digesti & exposui part. 2. Anatom. confess. August. demonstrat. 2. §. 5. quam ad vitandam prolixitatem hoc loco prætermitto; cum præsertim hactenus (ab annis iam duodecim) à nullo Sectiarum impugnata, necdum expugnata sit.

Solum a noto, neq; Waldenses, neq; Wicclefum, neq; Husium, neq; Picarditas, eadem cum huius temporis Sectariis fidem habuisse; quantūvis hi nonnunquam eos velut eiusdē fidei socios ac testes aduocate velle videantur. Et enim quod ad Waldenses attinet, constat ex Aenea Sylvio de orig. Bohem. cap. 33. & 35. Antonino, Prateolo, & alijs, eos complices in fide errores securtos fuisse, tam Sectariis plerisq; huius temporis, quā nobis contrarios. Nimurū 1. vrente carnislibidine, omnem carnalem coñunctionem, tam inter viros, quam inter foeminas esse licitam. 2. sacerdotes pauperes esse debere, & sola contentos elemofyna. 3. Eucharistiam consecrari oratione dominica, septies repedita. 4. Non posse plecti à Iudice nocentes. 5. Omne Iuramentū Christianis esse interdictum. 6. viro perfecto non esse manibus laborandum. 7. omnem potestatem etiā Ordinis amitti per peccatum mortale. 8. Non opus esse certa vocatione, ad prædicandum Verbum Dei. 9. Nullam aliam orationem admittendam, præter orationem dominicam. De quibus etiam Lutherus in Colloq. German. cap. de Schwermeris ait, eos credidisse, solam fidem abq; operibus non nullificare, sed oportere esse charitate formatam, de imputata iustitia nihil sciuisse. &c.

Wiccleffum constat, docuisse inuocationem

B. Virginis, cultum reliquiarum & imaginum, septē Sacraenta, animarū purgatorium: quem proinde velut heterodoxum damnat ipse Philippus Melanchthon in epist. ad Fridericum Myconium, & in Apolog. artic. 8. & cap. de humanis traditionibus.

Similiter Ioannes Huss, contra huius temporis Sectarios docuit, Sanctorum inuocationē, cultum reliquiarum, Indulgencias, cœlibatum Sacerdotum, Monarchiam Papæ, necessitatem bonorum operū, septem Sacraenta, transubstantiationem in Eucharistia, sacrificium Missæ, adorationem Corporis Christi in Eucharistia, confessionem auricularē, purgatorium &c. Utidcirco etiam Lutherus in assert. a. 30. afferat; Si ille fuit hæreticus, se plus decies esse hæreticum. Et in colloquij germanis cap. de Antichristo ait: Ioannem Hussen præter omne meritos trucidarunt & combusserunt; cum tamen à Papatu ne latum quidem vngue recesserit. Nam idem quod illi docuit: solum illorum vita & malam vitam infectus est. Quam tamen Lutheri exaggerationem falsam esse constat.

Similis ratio est Piccarditarum siue Adamitarum, qui sub idem tempus anni 1420. à Piccardo quodam, ex Gallia Belgica oriundo, (qui se postea Adamum vocavit) propagati, præter communes Hussitarum errores, etiam hos adicerunt. 1. Piccardus ipse filius Dei vocari voluit. 2. Omnes nudi incedebant. 3. connubia eis promiscua fuere, & execranda. 4. Cæteros dicebāt seruos, se vero liberos: qui eriam magna ex parte deleti fuerunt gladio ab ipsomet Ziska Hussita, vt ex Aenea Sylvio refert Prateolus: & quos ipse etiam Lutherus velut hæreticos damnat. Nam in resolutione conclusionis 15 ait: Quod si etiam tempore Ap̄stolorum non fuisse purgatorium, vt superbit fastidiosus Piccardus, nunquid ideo credendum est hæretico, vix quinquaginta annos nuperato, & fidem tot seculorum falsam esse contendenti? Et lib. de decem præceptis scribit idem Lutherus Verum ne Piccardi, infelices hæretici, suas à me partes adiutias confidant.

Ex quibus etiam simul patet responsio ad testes veritatis ab Illyrico productos. Nullus enim est, qui non in pluribus fidei articulis ab Ecclesia seu Lutherana seu Caluiniana, aut alia quavis Sectariorum Ecclesia dissenserit; præterquā quod in ijs etiam continentur quidam aperte impij, manifestiq; & hæretici & pagani, vt pluribus ostendi in Dioptra fidei lib. 2. c. 16.

Tertio probatur eadem pars Minoris, ipsa facti evidentia. Cum enim manifestum sit, Lutherum primum circa Annū Christi 1517. fidem nouasse, ac in fidei doctrina toti Ecclesiæ tunc existenti se se oppoluisse, plane constat, immediate ante Lutherum neminem fuisse, cum quo Lutherus in fidei doctrina conspiraret. Eadem est aliorum Nouatorum ratio.

Accedit, quod cum ob eam ipsam causam sepe sibi à Catholicis postulatum fuisse, vt intra proximos mille annos, aliquam Ecclesiam siue cœctum, aut vel unum saltē hominem nominarent, qui in fidei doctrina, omnibusq; ac singulis fidei articulis, idē sensisset, quod ipsi sentiunt,

id haec tenus prestatre nunquam potuerunt, imo nec prestatre serio tentauerunt. Cuius rei documentum hoc esto. Cum enim Aegidius Hunnius, Saxonius olim Praedicans, & Academæ Wittenbergensis Professor, in suo Examine prefationis, quo Colloquio Ratisponensi Anni 1601. Monachij reculo praefixa erat, dixisset Ecclesiam Catholicam dici, quia credat & profiteatur doctrinam Catholicam Catholicis libris a Deo preditam, & ubique, & semper, & ab omnibus fidelibus, maxime vero SS. Prophetis & Apostolis creditam; ac mox ibidem per quam fidenter adieceret: *Quod ipsum de nostra Ecclesia (rumpantur vestria Papæ) vere cum laude prædicare possumus: huic ego tam audaci ipsius, ne dicā impudenti iactationi, in Apologia eiusdem prefationis cap. 5. Anno 1603. edita, his ipsis verbis respondi.* Ad eundem ergo, Hunni, & proba tuam Ecclesiam, tuaque seu fidei seu perfidiae consortes, semper absque illa temporis interruptione, saltem per mille hos annos, ne veterius præcediamur, incolumes persistisse. Neque vero id de omnibus fidei questionibus, aut etiam quibuslibet ceremonijs, quas etiam in vera Ecclesia pro varietate temporum mutari licitum fuisse, nemo sinus dubitat; sed de fundamentalibus duntaxat fidei capitibus, a te posculo, ut nimis probes, a tempore S. Gregorij Magni (ex quo scilicet tempore præcipue ad Antichristianum defecisse clamatis Ecclesiam) semper & singulari annis fuisse aliquos, qui sequentia (simil omnia) crederent. I. Christum secundum humanitatem esse ubique. II. Eum non re ipsa & vere quod animam, descendisse ad inferos; quod nimis ex Viquistarum errore sequitur. III. Eum non esse in Eucharistia ante sumptionem & usum. IV. Eum in Sacramento Eucharistie non esse adorandum. V. Unius speciei sumptione in Eucharistia sacrilegio violari diuinum præceptum, & mutilari Sacramentum. VI. Sacrificium Missæ esse abominationem & Idolatriam. VII. Non esse seipsum, sed tantum duo, aut tria Sacramenta. VIII. Sacram scripturam, & quidem ipsius dumtaxat libris contentam, quos iam pro Canonis agnoscunt, esse unicam normam omnibus fidei doctrina: ac prouinde nihil diuina fide credendum, nisi quod expresse atque adeo in specie in sacra Scriptura continetur. IX. Romanum Pontificem non esse Caput totius Ecclesie, sed Antichristum. X. Sanctorum inuocacionem Catholicis consuetam esse Idolomaniam. XI. Sanctorum Imaginem & reliquiarum cultum esse Idolatricum. XII. Non esse purgatorium. XIII. Indulgencias a Pontifice distribuita solitas esse inaneas. Nec posse inter Ecclesie membra, una alteri seu viuo seu defuncto quoad penitentia temporalis remissionem, propria satisfactione prædesse. XIV. Insumbonis suis operibus non mereri vitam aeternam; quin potius opus hac intentione factum, esse Deo ex omnibus. XV. Hominem sola fide iustificari. XVI. Ieiunia Ecclesiastica conuellere licitum esse. XVII. Vota & vitam monasticam, iuxta regulas cuiusq; ordinis institutam, esse superfluum. &c.

173 *Hac tu mihi, Hunni, ut plura taceam, ostende, semper in Ecclesia his mille annis ab aliquibus credita fuisse. Quod si hoc de multis ostendere non potes, ostende saltem de paucis. Si nec hoc potes, ostende saltem atribus singulis unum aliquem (quamquam hoc alioqui ad Ecclesie perpetuitatem tuendam per se nimis parum est) qui eiusmodi vestra dogmata, ut præcipua fidei capita crediderit & pro-*

fessus fuerit. sed quia satis scio ne hoc quidem unquam, aut poteris, aut voles; ostende saltem uniuerso ipso tot seculorum numero præteritus, inquam, mille annos, usque ad Lutherum, extitisse vel unicum, qui vel ad momentum aliquod temporis, quoad supradicta illa capita, vobis per omnia senserit. Ostende hoc, Hunni; non iam ut illa rumpantur Papæ; sed ne aliquis ob ingenis hoc tuum & urgentissimum mendacium, quo dixeras, Ecclesia tua doctrinam ubique, & semper, & ab omnibus fidelibus, maxime vero Sanctis Prophetis & Apostolis creditam, tibi rumpantur illa. Ostende, si vir probus es; si existimatiorum tua amans; si salutis animarum sciens; si non versipellis tergiuersetor; si non mendax veterator es; ostende inquam unicum eiusmodi fidelem in hac tota annorum serie.

Nec de Apostolis iam, vel Prophetis quero; quos tamen ipsos certum est ab aduersariis nostri temporis discessisse: sed de unico fidei qui intra spatiu mille annorum ante Lutherum vixerit. Semper enim, ait, & ubique, & ab omnibus fidelibus suisse creditam: edic Hunni, nomina unum, non require multos; quamquam & hos deberes, si mentitus non es: neque peto unum qualibet atque demonstrari, quamquam & hoc ob illa tuum semper iure poscerem; sed vel intra decem seculorum decursum, virum unicum; & ne hoc quidem, qui omnia omnino vestra fidei pronuntiata tenuerit; sed principalia saltem & fundamentalia illa vestra fidei capita crediderit.

Nec tu mili infantes hic nomina, quos ante Lutherum, in Ecclesia Catholica baptizatos cito mors rapuit, caloque prematuros intulit. Primum enim tu ipse præcer infantes alios fideles suisse assertis. Ecclesia, inquis, electorum, licet pusillus grex fuit manifestaque Ecclesia Catholica una cum baptizatis infantibus, qui abrepsi sunt, antequam famosa illa venefica cor eorum vulnerat et peruerteret. Ex illo ergo, ut ait, pusillo grege, quem una cum infantibus orthodoxum permanuisse dicit, vel unicum a te ostendi potest, qui præteritus mille annis ante Lutherum, vel unum annum, vel unum mensem, vel unum diem, vel unum saltem temporis momentum illa vestra fidei dogmata tenuerit.

Quod si præter infantes neminem dabis, ut profecto nunquam dabis, dicam temenitum esse, quando alium pusillum gregem, præter infantes, ante Lutherum semper orthodoxum suisse iactabas. Dicam etiam te ineptire, quando ut Ecclesia tua uniuersalitate tuearia solos producias infantes; quasi Ecclesia sine Pastoribus, sine Doctribus, sine externa fidei professione esse posset; contra Apostolum, qui contrarium apertissime pronuntiat cit, loco Ephes. 4. Dicam postremo te in infante: infantes enim, quos nominas, nostri sunt, non vestri; & nobis, & in nostra Ecclesia Catholica baptizati, non in vestra, quæ tunc adhuc nulla fuit.

Quod si impudens esse perges, eosq; proterius Ecclesia tua vendicare studebis, & forsan etiam dixeris, eos omnia omnino vestra fidei capita actualiter credidisse, tunc a te vice sim petu, ut hanc ipsa adeo confidens (ne dicam scutam) assertionem unius saltem fidelis difesa testificatione comprobata facias; infantes enim illos actualiter credidisse, & illa quidem ipsa fundamentalia vestra fidei dogmata credidisse. Quod si clamabis tanquam: Infantes nostri sunt, ad nostram Ecclesiam pertinent, nostra dogmata crediderunt; ut scriptura loquitur, id Propheta, id Apostoli testatur: non

credo, sed aio te impudentissime mentiri, & vel scripturas non intelligere, vel turpis pro tua libidine in alienos sensus rapere, & ad tua figura trahere. Id que vel ob hoc ipsum confidentissime ac verissime dicam, quod neminem ex omni vetustate preferre potes, qui scripturas ex modo intellexerit, quo tu illas per insolentissimam soliditatem interpretaris &c. Satis intellexisti, Hunni, quid velim: idque ut quam primum facias etiam nunc atque etiam rogo. Quod si nimis multa fundamentalia fidei vestre dogmata tibi commemorasse videbor, excipe que vis, etiam alia, si libet, reponere; modo fatearis, te ea que excipis in toto antiquitate ab aliquo orthodoxo credita fuisse monstrare non posuisse. Indice calum & terra inter me & te Hunni, an non aqua sit haec mea postulatio.

176 Ita iam dudum ego ad Hunnium; non plane vt vides, Lector, dicas causa, vel ioco hanc ad eum postulationem iterum iterumq; inculcans; sed ex animo pro rursus ac serio, vt in re omnium gravissima & maxima: in qua si villa causæ fiducia, par erat, preces ac postulata tanta æquitate nixa incassum non cecidisse: præsertim cum ipsis nostri sint accusatores, nosque velut noui homines, de antiqua veræ fidei possessione, ac ex ipso Apostolorum semine propagata gentilitatis ejicere ac exturbare nitantur. Sed neque Hunnus, neque aliis quisquam, eius loco, his viginti iam proxime elapsis annis, propositæ à me quæstionis ac prouocationi respondit. Imo Hunnus paulo post scriptum illud Apologeticum à me editum, catarro, vt aiunt, suffocatiuo, vt ego vero interpretor turgentissimo illo sui mendacij rubore paulo antea relato, infelicititer extinctus est.

177 Neque Iacobus Hailbrunnerus Neoburgensis prædicans, olim in disputatione Ratisponensi Hunnij collega, in suo Acatholico volumine, quadriennio post illam meam ad Hunnium prescriptam prouocationem edito, art. 15. c. 7. cum hoc ipsum argumentum tractaret, aut ullam huius prouocationis mentionem facere ausus est; vel diserte quidquam ad propositum respondere potuit: sed tergiuersationibus, dissimulationibus, puerilibus elusionibus, mēdacijs, & calamnijs rē omnem transfigit; quando nec ipse, nec ex omni Sectariorum caterua quisquam, intra mille proximos annos Lutherum antegresso, ullum nominare adultum, seu rationis compotem potuit, aut unquam poterit, qui candem cum ipsis fidem vel in præcipuis saltem fidei articulis palam professus fuerit; vt contra eundem Hailbrunnerum fusi demonstrationi 2. part. Anatom. Confess. August. demonstrat. 2. vbi ad omnes Hailbrunnerianas nugas sigillatim responde.

178 Obiiciunt primo, se habere Christum & Apostolos sūr fidei professores. Sed facile responderetur, hunc esse thronosum omnibus hæreticis consuetum: omnes enim iactant, suam doctrinā ad vnguem esse doctrinam Christi & Apostolorū; qui tamen vel ex hoc ipso de mendacio apertissime conuincuntur, quod post Apostolorum tempora, nec vnum ostendere possunt Christianum doctorem, qui cum ipsis idem per omnia, quoad fidem, senserit; nec ullam Ecclesiam, in qua talis

doctrina continuo durauerit; imo nec vnum fidem hominem, qui eam doctrinam diserte fuerit professus, monstrare.

Obiiciunt secundo, fuisse tamen aliquam Ecclesiam inuisibilem electorum, qui veram, adeoq; eandem cum ipsis doctrinam, saltē in fundamentalibus fidei articulis habuerint. Respōdetur fuisse semper aliquam Ecclesiam, in qua fuerint aliqui Sancti & electi, plane fatēmur; eam vero Ecclesiam fuisse inuisibilem, figmentum est prædicantie, toti scripturæ, soli Ecclesiæ visibili & ad Ecclesiam visibilem scripta contrarium, ex qua iam dubio præcedēti evidenter ostendimus, nullam dari veram Ecclesiam Christi inuisibilem. Multo impudentius mendacium est, Ecclesiam illam Electorum ex ijs aut aliquo eorum cōstitisse, qui eandem cum sectarijs fidem essent professi, quando nullū talem electum ostendere possunt.

Quod vero de fundamentalibus fidei articulis addunt, mera tergiuersatio est; non solum quia si iure cum ipsis forer agendum, aduersarijs plane demonstrandum incumberet, singulis ætatiis fuisse aliquos, qui in omnibus ac singulis fidei articulis, eandem cum ipsis fidem essent professi, sed etiam quia nec ipsi particulatum explicant, aut explicare possunt, quosnam præcisæ fundamentales fidei articulos intelligent. Et quod amplius est; Quosquos demum illis assignare lubeat fundamentales fidei articulos, in quibus à nobis ipsi dissentiant, nunquam sese, à quibus constricti tenentur laqueis expedient; quia nunquam ostendere poterunt, Ecclesiam aliquam continua serie ab Apostolis vñque continuatam, quæ in eiusmodi fundamentalibus fidei articulis, eandem cum ipsis Sectarijs fidem professa fuerit.

Quod ita ostendo. Nam Iacobus Hailbrunner in suo Acatholico volumine a. 15. c. 7. pag. 478. fundamentales fidei articulos explicare volens ait: *Satis pro ratione temporis, quod in fundamento, & principaliis Christianæ doctrinae de unico nostro Mediatore, Redemptore, & Salvatore nostro IESU CHRISTO, atque a deo de unica via salutis eternæ idem nobiscum senserint.*

At vero hoc ipsum eorum fundatum, quod Christus sit vnicus Mediator, Salvator ac Redemptor noster, eo quidem sensu, quo ab ipsis explicatur, non solum hoc significat, quod verba ipsa per se & secundum litteram sonant, vt scilicet absolute, diserte, & sine hæsitatione profiteamur & credamus, Christum esse vnicum Salvatorem ac Redemptorem nostrum, vnicumque ac supremū Mediatorem; vt pote quod etiam Catholici omnes vno ore ac libertissimani misatentur, vt contra eiusdem Hailbrunneri calumnias ex instituto demonstrauit in libro germanico, quem inscripsit Regierisch Lutherthumb part. 1. §. 3. & 5. Sed insuper etiam hæc omnia pronuntiata in se continet. 1. Solam fidem sufficere ad salutem. 2. Sacramenta nullam vim habere iustificandi ex operi operato; ac proinde nec parvulis prodesse baptismum ad salutem, nisi actualiter credant. 3. Nulla esse merita bonorum operum. 4. Nullam satisfactionem pro redimēda poena temporali peccatorum. 5. Nulla suffragia mortuorū. 6. Nullū

purgatorium. 7. Nullum Sacrificium Missæ. 8. Nullam Sanctorum invocationem. 9. Nullam veram absolutionem Sacerdotalem à peccatis. 10. Nullas Indulgentias Ecclesiasticas. 11. Nullam propriam sanctitatem, & iustitiam internam coram Deo. 12. Nullam Monasticæ professionis sanctitatem.

Hæc, inquam, omnia & singula continet, ex mente aduersariorum, illud fundamentum ipsorum, ut vocant, de Christo unico Salvatore, Redemptore, & Mediatore, sive de unica via salutis. Quæ quidem cum adeo communia sint omnium Sectariorum huius temporis dogmata, non Luthe ranorum modo, sed etiam Zuinglianorum, Calvinistarum, Anabaptistarum, & Trinitariorum; nunquā tamen ipsi ostendunt, semper in Ecclesia extitisse aliquos, non aperte etiā ipsorum iudicio hæreticos, qui in eiusmodi articulis eandem, cum ipsis fidem professi fuerint.

Id quod multo magis etiam vim ac robur habet, contra Philippum Melanchthonem in Apologia Augustanae confessionis a. 7. de Ecclesia, vbi ad fundamentum illud aliquanto plus require re videtur, cum ait: *Dicimus, existere hanc Ecclesiam, videlicet verè credentes ac iustos, firmas per totum orbem, & addimus notas, puram doctrinam Euangeli, & Sacra menta. Et haec Ecclesia proprie est columna veritatis. Retinet enim purum Euangeliū, & ut Paulus inquit, fundamentum, hoc est, veram Christi cognitionem, & fidem.* Quæ sane vera Christi cognition & fides, proprie loquendo, non solum articulum illum de unico nostro Mediatore & Redemptore Christo, sed etiam articulum de Christi diuinitate, passione, & morte, deque extremo eius iudicio, de eius predicatione, Apostolorum ipsisque Spiritus sancti missione, aliosque similes articulos comprehendit.

Quæ cum ita sint; iterum nunc atque iterum ego vniuersos, quotquot vspiam extant, sectariorum Ministros, hac charta prouoco, vt saltē capitalia suæ fidei puncta, unicum, ut ipsi aiunt Salvatorem ac Mediatorem Christum, unicamque salutis eternæ viā, ipsamq; veram Christi cognitionem ac fidem concernentia, ostendant, ab Apostolorū tempore ad nos usque continuata successione, in aliqua vera Christi Ecclesia, quo cuncte nomine eā de cetero appellent, corde credita ad iustitiam, & ore ad salutem confessi fuisse: aut quia hoc non possunt, fateantur, si uam Ecclesiam continuo ad nos usque per illos mille & quingentos annos non perdurasse; ac proinde veram Christi Ecclesiam non esse.

Objiciunt tertio; id ipsum fuisse diuinitus prædictum; seriem ac successionem puræ Ecclesie Christi interruptum iri, per apostoliam ac defensionem à vera fide, & regnum Antichristi. Danielis 12. Matthæi 24. 2. Thessal. 2. 1. Timot. 4. 1. Ioannis 2. 2. Petri 2. & in Apocalypsi Ioannis. Ita Hailbrunnerus articulo 15. cap. 9. & 10.

Respondetur, hoc esse mendacium Prædicantium. Nusquam enim, si tota scriptura à capite usq; ad calcem perlegatur, inuenitur in ea assertum, totam Christi Ecclesiam, seu omnes simul

Doctores Ecclesie, aliquo tempore circa fidem errare, aut vllis circa fidem erroribus infici posse. Sed hoc solum in scriptura locis cit. dicitur, tum falsos Prophetas & Doctores exorituros, qui seducant multos; quod etiamnum hodie videmus & experimur in Lutherò, ac eiusdem affectis prædicantibus, alijsque huius temporis Sectarijs, tum sub tempore Antichristi, cuius prodromos esse hodiernos Sectarum Magistros credimus, insignem quādam à fide apostoliam euenteram esse.

Quin etiam ulterius fatemur, singulos per se fideles, quantumuis sanctos & doctos, imo etiam cæteras quasque Ecclesias particulares, per se errare posse: at vero vniuersam Ecclesiam Catholicam sīnū vel circa minimi articuli fidem errare posse, hoc scriptura nusquam dicit, sed aperte negat, ut dub. præced. demonstratum, & vel ex ipsis Prædicante citatis locis colligitur.

Nam illo ipso loc. cit. Matthæi 24. dicitur: *surgent enim Pseudochristi, & Pseudoprophetæ, & dabunt signa magna, & prodigia, ita ut in errorem inducantur, si fieri potest, etiam electi.* Enī vides futurum non esse, vt omnes etiam electi in eiusmodi pernitosos errores inducantur. Eodem modo 2. Petri 2. non dicitur futurum, vt cuncti, sed vt multi sequantur Pseudoprophetas. Et multi, inquit Apostolus, (*non omnes*) sequentur eorum luxurias, per quos via veritatis blasphemabitur. Cætera quæ à Sectarijs obijciuntur, quia leuioris momenti sunt, prætermitto. Quæ tamen omnia & singula; vti & hanc vniuersam demonstrationem prolixe edisserui & explicauai in Anatomia confess. August. part. 2. demonstrat. 2.

Quinta demonstratio desumitur ab eadem tertia Ecclesie proprietate & nota, scilicet esse Catholicam; quatenus eo nomine significatur vniuersalitas locorum, à qua ita argumentamur. Proprium est Ecclesie vera, ex quo primum tempore per Apostolos fundata est, diffusa esse per totum orbem cognitum; ita quidem, vt non angustis locorum spatiis conclusa, sed usque ad finem mundi toto orbe cognito diffusa & propagata spectetur: hoc autem soli Ecclesie Catholicæ; non autem vlli Sectariorum huius temporis cœtui, si per se singuli, vti necesse est, spectentur; conuenit: Ergo sola Ecclesia Catholica est vera C H R I S T Eccl esia. Maior huius syllogismi testimonij scriptura, ac SS. Patrum, constat ex dubio præcedenti.

Minor proposicio quoad vtramque partem, probatur ipsa, vt ita dicam, oculari evidentia. Nam quod ad Ecclesiam Catholicam attinet; constat, eam non solum per singulas Europæ Provincias, puta Italianam, Germaniam, Galliam, Hispaniam, Poloniam, Hungariam, Dalmatiam, sed etiam per cæteras orbis partes vniuersas, puta Asiam, Africam, ac Indiam, tam occidentalem, quam orientalem, ipsamque adeo Americam & nouum orbem diffusam esse, ac quotidie magis magisque per Catholicos Prædicatores diffundi ac propagari.

E contrario Lutheranismus aliquam tantum

Germanicæ partem; Zwinglianismus solam Helvetiæ partem; Caluinismus solas quasdam Galliæ, Britaniæ, Belgij, certe in Germania vix quidquam amplius obtinet. Anabaptismus per Morauiam, Austria, & Hollandiam fere tantum grassatur; Trinitarij Hungariae & Transylvaniæ parte contenterunt.

189 Et hæc quidem ita nunc dicimus, post quam Luther & Sectarij ex eo prognatis, vnius iam seculi decursu data est potestas crescendi. At vero si ad prima eos incunabula reuocemus, quam angusto gurgustio initio continebatur Lutheranismus; vnius scilicet Wittebergæ mania non egressus. Quam angustus initio Caluinismus, sola prope Geneua contentus. Et tamen eo iure reuocantur Sectarij vbi nativitatem, primamque lucem conspexerunt. Quia si vel in suis primordijs eorum vnaquaque Ecclesia: vel vnicæ proprietate veræ Christi Ecclesiæ, post Apostolorum prædicationem, debitâ destituitur, vera tunc esse non potuit Ecclesia; si autem tunc, & in ipsis suis incunabulis, vera non fuit Ecclesia, nec iam esse potest, quando præsens à priori diuersa non est. Agnouit hanc suæ Ecclesiæ paruitatem ipse Lutherus in Colloq. Isleb. nouissimo die fol. 465. 6. cum ait: *Quid autem hoc sibi velle putas, quod nostrum Euangeliū in angulis prædicatur? Quo pertinere censes, quod tota Asia & Africa Euangeliō carent, & in Europa, & in Grecia, Italia, Hungaria, Hispania, Gallia, Anglia, & Polonia, nullum Euangeliū prædicatur? Pusilla hac prænictia Saxonie nonijsimum diem nequam morabitur.*

190 Contra hanc demonstrationem, ex quâ vel solâ vniuersa Donatistarum agmina funditus euertit ac pessundedit Augustinus in suo illo egregio libello de vnitate Ecclesiæ, illud potissimum obiiciunt Sectarij; hoc ipsum fuisse diuinatus prædictum, Catholicam Ecclesiæ sub Antichristi regno ad eam fuisse paucitatem ac pene vastitatem redigendam; vt si fieri potuisset, in errorem etiam electi fuissent induiti. Matthæi 24. Ita Hunnius in examine præfationis Protocoli Monacensis, & Jacobus Hailbrunner in suo Acatholicon.

Respondeo id ipsum quidem iam olim aduersus Augustinum obiecisse Donatistas cit. lib. de vnitate Ecclesiæ cap. 13. Sed postea, inquit, orbis terrarum apostatauit, & sola remansit Donati communio. Quod etiam in scripturis fuisse prænuntiatum, ibidem cap. 15. & 16. fuse conantur ostendere. Verum cum eodem Augustino ibidem cap. 16. facile respondeatur; Ecclesiæ, iuxta scripturæ vaticinia, ita deficere necdum potuisse, vt ex illo ipso capit. 24. Matthæi colligitur, quia finis mundi nondum adest; qui adesse prius non potest, quam prædicatum sit Euangeliū per vniuersum orbem. Sunt autem adhuc, inquit Augustinus, nonnullæ gentes (imo multis gentes, si vti par est, huius temporis historijs fidem habemus) in quibus nondum est Euangeliū prædicatum: necesse est autem impleri imnia, qua de Christo & Ecclesia prædicata sunt. Oportet ergo & in eis prædicari, quod cum impletum fuerit, tunc erit finis. Ita Donatistis Augustinus:

qui etiam hoc argumentum vocat evidensimum, quod aduersarij omnino auferat laborem querendī, unde probent, Ecclesiam mundo perdito, ad solos Africos (seu Germanos &c.) redactam.

191 Respondeo secundo iuxta eundem Augustinum; si omnes etiam Antichristi persecutio[n]es, & à fide eiusdem temporis defectiones, in scripturis prædictæ expendantur, nusquam colligi, Ecclesiam veram Christi ita defecturā, sub Antichristi tyrannide, vt idecirco per totum orbē non sit diffusa: sed potius contrarium, vt videre est ex parabola zizaniorum Matthæi 13. vbi dicitur: *Sinite veraq[ue] (triticum simul & zizania) crescere usq[ue] ad messem; & in tempore messis dicam messoribus, colligite primum zizania, & alligate ea in fasciculos ad comburendum; triticum autem congregare in horreum meum.*

Quem ipsum locum aduersus Donatistas vrgens Augustinus lib. de vnitate Ecclesiæ cap. 14. ait: *Dicit & Dominus de super seminatis zizanii: Sinite veraq[ue] crescere usq[ue] ad messem, id est, triticum & zizania. Et ipse interpretatur messem finem esse seculi, agrum vero, vbi virumque seminatum est, mundum est. Oportet igitur usq[ue] in finem seculi crescere virumq[ue] per mundum. Vnde iam non permittuntur isti (heretici) suspicari, aut affere, quod dicunt, omnes bonos defecisse de mundo, vt in sola parte Donati remancerent. Conantur enim contra certissimam sententiam Domini dicentes: Ager est hic mundus: Et finite vitaq[ue] crescere usq[ue] ad messem: Et messis est finis seculi.*

Et ibidem capit. 15. de iisdem Donatistis loquens Augustinus: *Dicunt, inquit, de Apostasia orbis terrarum dictum est, quod ait Dominus, Filius hominis veniens putas inueniet fidem in terra? Sed respondet Augustinus: Nos intelligimus (hoc) dictum vel propter ipsam fidei perfectionem, qua ita difficultus est in hominibus, vt in ipsis quoque admirabilib[us] sanctis, sicut in ipso Moysi, inueniatur aliquid vbi trepidauerint, vel trepidare potuerint; vel propter illam iniquorum abundantiam, & paucitatem bonorum, de qua satidiximus. Propterea enuntianquam dubitans hoc Dominus dixit. Neg. enim ait, Veniens Filius hominis non inueniet fidem in terra; sed putas, inueniet fidem in terra? Cui utiq[ue] ciuitas scienti & praescienti, de aliquare dubitare non convenit; sed illius dubitatio nostram dubitationem figurauit; quia propter multa scandalorum circa finem seculi pullulantia, hoc quoque erat quandoque infirmitas humana dictura.*

192 Vnde in psalmis dicitur, *Dormitauit, anima mea præcedio; confirmata me in verbis tuis. Quare dormitauit anima mea præcedio, nisi propter illud quod Dominus ait (cit. Matthæi 24.) Quoniam abundantia iniquitas, refrigerat caritas multorum. Et quare, confirmata me in verbis tuis, nisi propter id quod sequitur. Qui autem perseverauerit usq[ue] in finem hic saluus erit?* Ex quibus colligit Augustinus: *Sunt ergo per totum mundum, in quibus, quoniam abundantia iniquitas, refrigerat caritas multorum; & sunt rursum per totum mundum, qui perseverando usq[ue] in finem saluierunt: quia finit, inquit, crescere vitaq[ue] usq[ue] ad messem: Et messis est finis seculi, ager autem mundus.*

Et tandem concludit Augustinus: *Desinant ergo isti, si respondere huic epistole (seu demonstrationi) parant, et testimonia commemorare, qua nos cum ipsis*

commemoramus, vel in perditionem iudeorum, vel in Ziania, sive paleam, sive malos pisces totius mundi. Et sicut nos manifestissimos testimonios afferimus Ecclesiam toto orbe diffusam, sic et ipsi manifestū aliquid proferant, unde ostendant, esse prædictum, ceteris gentibus à fide Christi percurentibus, solam Africam, sive Saxoniam, &c.) remansuram, & quocunque Episcopi (seu prædicantes) ex Africa (Saxonia) mitterentur.

194

Addo denique, calumniatores esse prædicantes; quando in supradicta obiectione supponunt, Papam esse Antichristū, & ex ea hypothesi probare nituntur, Ecclesiam veram ita debuisse deficere, iuxta Christi prædictionem Matthæi 24. cum tamen hoc ipsum adeo execrabile figmentum vel ex eo ipso Matthei loco validissime refutetur, ex quo constat, abbreviando fore dies regni Antichristi, propter electos. Qualis autem haec esset abbreviatio, si, ut volunt Sectarij, Antichristus iam per mille & amplius annos in Pontificib⁹ Romanis regnasset; ut ita scilicet diuturn⁹ fuerit regnum Antichristi, quam Christi, breuior periodus vera Ecclesiae Christi, quam Synagoga Antichristi; maior potentia diaboli, quā virtus Christi. Sed de Pontifice ex instituto agendum est quæst. seq. Cæteræ prædicantum obiectiones, totamque hanc demonstrationem fusius explicauit 2. part. Anatomiæ confess. August. demonstrat. 3.

195

Demonstratio sexta sumitur ex quarta proprietate Ecclesiae, quæ est esse Apostolicam; & inter alia requirit, tum continuam successionem Pastorum & Doctorum, ab Apostolis vsq; , continua serie, ad nos vsque permanentem; tum legitimam vocationem corundem, ut ostendimus dubio præcedenti, ex qua proinde Ecclesiae proprietate ita argumentamur. Proprium est vera Ecclesiae Christi, esse Apostolicam, adeoq; habere ac retinere perpetuam successionem Pastorum & Doctorum, ab Apostolis continua serie ad nos vsq; propagatam: sed hoc inter omnes Ecclesiæ Christi nomen profitentes, solum Ecclesiae Catholicae conuenient: Ergo sola Catholica Ecclesia est vera Ecclesia. Maiorem propositionem huius syllogismi testimonij scriptura & SS. Patrum probauim⁹ dub. præced. Minor quoad utramq; partē constat ipsa evidentiā facti. Nam sicut Catholica Ecclesia in promptu habet exhibere Catalogum Episcoporum, tum eorum, qui in primaria Cathedra Romana totam Ecclesiam gubernarunt, tum etiam aliorum, qui in unaquaque Ecclesia particuliari, debitam cum Romana sede consensionem & connexionem retinentes, præsederunt, ita impossibile est Sectarijs, continuatā Pastorum & Doctorum suæ fidei sive Ecclesiae serie pertexere: quando ipsi met aperte agnoscunt, plus mille ante Lutherum annis propriam illam suæ fidei confessionem & doctrinam nusquam in Ecclesia fuisse, ita ut nec unicum quidem Doctorem ostenderet, possint, qui eandem cum ipsis fidē fidei; doctrinā habuerit & professus fuerit, ut evidenter pater ex dictis superius demonstrat. 4.

196

Quanti vero antiqui Patres fecerint hanc demonstrationem, adeoque continuam Pastorum & Doctorum successionē, ab Apostolis nusquam interrupta serie continuatam, tam ad Ecclesias

Catholicae veritatem, quam ad Sectarum aliarum quarumvis falsitatem comprobandum, luculentiter pluribus Patrū testimonij demonstrauit par. 2. confess. August. demonstrat. 4. ex quibus solius vetustissimi Irenæi testimoniu libet afferre. Ita enim loquitur l. 3. c. 3. contrahareses: sed quoniam valde longum est, omnium Ecclesiarum enumerare successiones, maxime, & antiquissimæ, & omnibus cognitis, a gloriosis duobus Apostolis Petro & Paulo Roma fundata & constituta Ecclesia, eam quam habet ab Apostolis traditionē, & annuntiatā omnibus fidem, per successiones Episcoporum peruenientē usq; ad nos indicantes, confundimus omnes eos, qui quoque modo, vel per sui placentiam malā, vel vanam gloriā, vel per cæstati & malam sententiam, præter quam oportet, colligunt. Ad hanc enim (Romanam) Ecclesiam propter potentiem principaliatēm necesse est omnem conuenire Ecclesiam, hoc est, eos, qui sunt vnde q; fidèles, in qua semper ab his, qui sunt vnde, conservata est ea, qua est ab Apostolis tradita.

Et cum mox eam successionem Episcoporum in Ecclesia Romana usq; ad Eleutheriū, suo tempore præsidentē refulisset, subiungit: Hac ordinatione, successionē, ea, quæ est ab Apostolis traditio, & veritatis præconatio peruenit usq; ad nos. Et est plenissimā eccl. offensio, ut eandem viuis facit, ut eam esse, quæ in Ecclesia ab Apostolis usq; nunc si conservata & tradita in veritate.

Et rursum l. 4. c. 43. Quapropter, inquit, eis, qui in Ecclesia sunt Presbyteri obaudire oportet, hic, qui successionem habent ab Apostolis, sicut ostendimus; qui cum Episcopatus successionē charisma veritatis certum secundum placitum Patris accepérunt. Reliquos vero qui absunt a principali successionē, & quocunq; loco colliguntur, suspectos habere, vel quasi hereticos & male sentientes, vel quasi scindentes & elatos, & sibi placentes, aut rursum ut hypocritas, quæstus gratia & vanagloria hac operantes. Omnes autem hi decidunt a veritate.

Eodem modo loquuntur cæteri Patres citati dubio præcedenti. Sane Augustinus contra epistolam fundamenti capit. 4. inter cetera fidei sue motiva, ac vera Ecclesiæ notas, hanc ipsam etiam successionem refert: Sicut, inquit, in Ecclesia ab ipsa sede Petri Apostoli, cui pascendas oves suas post resurrectionem Dominus commendauit, usque ad presentem Episcopatum, successio sacerdotum. Plura loc. cit.

Septima demonstratio sumitur ab eadem Ecclesiæ proprietate & nota, scilicet esse Apostolicam, quatenus per eam significatur legitima Pastorum & Doctorum vocatio; per quam nimur legitime ab ipso Christo, non secus ac ipsi Apostoli, ad id munus sint vocati, quā ita formamus. Proprium est Ecclesiae Catholicae habere Pastores & Doctores legitime à Christo, ipsoque Deo vocatos; hæc autem legitima vocatio solum conuenit Pastoribus & Doctoribus Ecclesiæ Catholicae; non autem cæteris Sectariorum cœtibus: Ergo sola Ecclesia Catholica est vera Ecclesia.

Maior propositione constat tum ex dictis dub. præced. tum ex illo Christi Ioannis 10. v. 1. Amen amen dico vobis, qui non intrat per ostium (nempe Christum) in ouile ouium; sed ascendit aliunde, ille fur est & latro. Et Rom. 10. v. 15. Quomodo vero prædicabunt, nisi mittantur?

Minor

199 Minor eiusdem syllogismi probatur. Quia duplex est vocatio Dei legitima, ad obeundum munus illud Pastorum & Doctorum in Ecclesia Christi; vna vocatio Dei extraordinaria & immediata; sicut votati sunt Moyses, Prophetæ, Christus & Apostoli; altera vero mediata & ordinaria: è quibus saltem ordinaria & mediata conuenit presentibus cuiusque etatis Pastoribus & Doctoribus Ecclesiae Catholicae: neutra vero conuenit pastoribus & doctoribus aliarum sectarum: Ergo in sola Ecclesia Catholica cernitur legitima vocatio Pastorum & Doctorum; non autem in ceteris Sectariorum Ecclesijs.

200 Maior eiusdem syllogismi est extra cōtrouersiam. Minor quoad priorem partem constat ex diēs demonstrat. præcedente: vbi ostendimus, in Ecclesia Catholica esse perpetuam successionem Pastorum & Doctorum, in qua per legitimam vocationem, nempe ordinariam & mediata, vnu alteri perpetuo successerit. In hoc enim constat mediata Christi vocatio legitima, quod nimirum manente continua serie Pastorum & Doctorum, alijs ab alijs Episcopi & Pastores, donec retro ad Apostolos vsq; perueniatur, constituti & ordinati sint; quo modo scilicet ab Apostolis ad officium pastorale, & quasi ad Apostolici munera successionem seu participationem, votati fuerint Titus, Timotheus, Clemens, & alijs, quos ipsi in varijs locis predicatores & Episcopos cōstituerūt & ordinarunt: ab his rursum alijs, cōtinua successione, ad nostra usque tempora: ita quidem vt hæc vocatio immediate fiat per homines, tanquam per instrumenta subordinata, quibus Deus eam potest semel concessit, vt suo arbitrio, quos idoneos existimaret, ad id munera perpetua successione vocarent & cōstituerent; interueniente subinde ipsius etiam Cleri legitima electione.

201 Secunda vero pars eiusdem minoris, q̄a diximus, neutrū legitimæ vocationis modum conuenire Lutheru, Caluinu, Zuinglio, Münzero; & quo ad priorem partem, nempe de vocatione Dei immediata & extraordinaria, sequentibus rationibus probatur. I. Quia omnes ita votati, saltem vbi non simul adest alia vocatione ordinaria, instruuntur à Deo, sicut res ipsa exigit, manifestis quibusdam exterioribus signis, sive indicijs, ex quibus cuique evidenter credibile fiat, tales esse diuinis missis & votatos: quādāquidem alias nemo aut posset, aut deberet eiusmodi Legatis Dei fidem habere. Sicut etiam in humana politia, absque fide dignis documentis, nullus pro Regis vel Principis alicuius Legato agnoscitur, vel admittitur. Id vero in rebus, qua æternam animæ salutem concernunt, tanto magis obseruandum est, quanto & res ipsa maioris sunt momenti. Namque hic, vt quotidie videmus, copia falsorum ministrorum suppetit, qui omnes se iactant à Deo missos, nomenque ac verbum Dei (more veteram etiam Pseudoprophetarum) perpetuo in ore habēt. Quare omnes in scriptura extraordinarie missos eiusmodi notis diuinis insignitos legimus: vti Moysen Exodi 5. Ioannem Baptistam manifesto eq; vario miraculo natum & insigni vitæ sanctimonia pollentem, Marci 1.

Lucæ 1. Itemque septuaginta duos discipulos & Apostolos Christi Matthæi 10. Luca 10. Marci 16. Imo nec Christus ipse absque eiusmodi notis sive documentis, fidem exegit, Ioannis 10. v. 37. si non facio opera Patris mei, nolite credere mihi. Si autem facio, et si mihi nō vultis credere, operibus credite. Et Ioannis 15. v. 24. si opera non fecissim in eis, quæ nemo alijs fecit, peccatum non haberent. Idem fateatur Melanchthon citatus inferius demonstrat. q.

At vero neque Lutherus, nouus scilicet Ecclesiæ reformator, neque Caluinus, aut Zwinglius &c. vllis eiusmodi signis vel indicijs manifestis suam à Deo vocationem testaram facere potuerūt, vt pote nec vllis miraculis instructi, nec vlla egregia vitæ sanctitate illustres: Ergo fatidum est, eos à Deo immediate ad suum illud reformatiōnis munus votatos non fuisse.

203 Vtitur hoc ipso argumento aduersus sui temporis hæresiarchas etiam Tertullianus 1. de præscriptionibus cap. 30. Probat se nos Apostolos esse dicant Christum iterum descendisse (vt eos nempe sibi Apostolos adscisceret) iterum ipsum docuisse, iterum crucifixum, iterum mortuum, iterum resuscitatum; sic enim Apostolos solet facere: dare illis præterea virtutem eadem signa cedendi, quæ & ipse. Volo igitur ex virtutes eorum proferre; nisi quid agnosco maximam virtutem eorum, quæ Apostolos in perversum emulatur. Illi enim de mortuis viuos faciebant & post de viuis mortuos faciunt. &c.

204 II. Impossibile est, secundum statum veræ Ecclesiæ à Christo re ipsa institutum, aliquem à Deo immediate mitti ad nouam fidem (multis scilicet antea sæculis inauditatim) mundo inferendā; quandoquidē nulla talis fides vera fides esse potest, vt patet ex illo Matthæi 16. v. 18. Portæ inferni non prævalebunt aduersus eam; & fusiū dictum demonstrat. 4. Lutheri fides, post defecctionem, prædicata, erat noua, & à pluribus antea sæculis inaudita, vt ibidem vidimus. Ergo &c.

205 III. Si ex vlo signo credibile esset, Lutherum, Caluinum &c. fuisse immediate à Deo missos, id esset sincera & vera Christianæ fidei prædicatio. Hoc non: Ergo &c. Minor probatur. 1. quia missio & vocatione diuina præcedere debet ipsam prædicationem; & post factam nunc Christi & Apostolorum prædicationem, priusquam prædicatio admittatur, debet constare de missione legitima; quandoquidem alieni (non rite votati) vocem nec audire quidem, seu nosse debemus; ex cit. Ioannis 10. Quod ipsem Lutherus fateatur tom. 3. Wittenbergensi latino in psalmum 82. vbi ait: Nemo alienum (Pastorem) audire posse aut debet, sine periculo contempti Magistratus, aut offendiculi magni coram Deo & Ecclesia. 2. Eam notam ex aequo sibi arrogant omnes huius temporis sectarum Magistri; qui tamen inter se pugnantissima docent: imo de hoe ipso vel maxima quæstio & disceptatio est, an vera doceant; Ergo puritas doctrina nō est sufficiens nota legitime vocationis. 3. Puritas doctrinæ non est nota veræ Ecclesiæ, vt ostendimus dubio præcedenti: ergo nec legitime missionis diuinæ; ob easdem causas ibidem explicatas.

Deinde vero Lutherum, Caluinum, aliosq; se-

starum huius temporis magistros, nec mediate quidem & ordinaria vocatione à Deo vocatos fuisse, probatur non minus firmis rationibus. I. Quia ad nouam fidem mundo inferendam, secundum statutum Ecclesiæ à Deo constitutum, nulla potest esse legitima vocatione, nec mediata, nec immediata, ut antea dictum.

II. Etiam si possibilis esset noua vocatione legitima, ad nouam fidem mundo inferendam, ad eam tamen nulla sufficere posset vocatione ordinaria & mediata, vt pote que non nisi ad ordinariam & receptam antea doctrinam verbiq; ministerium extenditur.

III. Lutherus, Caluinus &c. non habuit vocationem legitimam, nec à sola potestate ciuili, nec ab Ecclesiastica: Ergo nullam. Non à ciuili; quia huius non est vocare & ordinare ministros Ecclesiæ; sed haec potestas adeos pertinet, quorum est regere Ecclesiæ, nempe ad Episcopos, Act. 20. v. 8. Attende vobis, & uniuerso gregi, in quo vos ipsius sanctus posuit Episcopos, regere Ecclesiæ Dei, quam acquisivit sanguine suo.

Quod etiam ostendit continua praxis Ecclesiæ Act. 14. vers. 22. ad Tit. 1. vers. 5. & inauditum, est in Ecclesia, à sola potestate ciuili constitutos fuisse pastores & ministros Ecclesiæ. Nec ab Ecclesiastica; quia vel habuisset eam ab ijs Ecclesiæ pastoribus & Præsulibus, qui ipsum consequuti, & ab eo ipso primum post apostoliam constituti fuerunt; aut ab ijs, qui eum eiusq; apostolam antecederunt. Non primum; quia sicut filius nō potest generare patrem, ita nec legitimam vocationem conferre potest vocationis ei, quo ipsemet vocationis est.

Neq; secundū dici potest; tum quia hac ratione fatendū erit Seclarijs, Ecclesiæ Catholicæ verā esse Ecclesiæ, non hæreticæ, vel Antichristianam, quæ nullā habet legitimā vocationis cōferendæ potestatē; vt pote omnis Iurifidionis sacra & Ecclesiastica expers. Tum quia omnes illi, qui antecederunt Lutheri apostolæ Ecclesiæ prælati, eius defectioni ac deformationi proslus fuerunt contrariaj: Ergo nullam eius facultatem fecerunt. Tum quia hac ratione dicendum foret, Lutherum accepisse vocationem suā, cum Sacerdos, Professor, vel Doctor crearetur: sed hoc non potest dici: quia Pastoribus, professoribus, & Doctoribus Ecclesiæ Catholicæ, in conferendo gradū, vel officio Doctoris, Prædicatoris, vel Professoris, non confertur potestas indefinita & indeterminata, quālibet doctrinam seu fidem prædicandi & docendi, vt per se evidens est, & patet ex formulisiuramēti, quæ Candidati, aut Professores futuri præstare iam olim etiam solebant: sed eam solum, quæ est ipsius vocantis Ecclesiæ Catholicæ fides.

Vocantur enim, & mittuntur, quia ab eis potestate accipiunt, tanquā Pastores huius Ecclesiæ, non alterius. Sicut qui pecoris pastor in ciuitate constituitur, in certis eiusq; communitatis proprijs pasculis iubetur pascare pecus; non in alienis. Qui iudex constituitur, ex sua communitatib; non alieni regnileibus & moribus iubetur ius dicere, & proferre sententiam. Qui legatus est, ultra terminos suū commissionis nullam habet potestatem.

Ita etiam Pastores & Doctores ab Ecclesia Catholicæ vocati, adsolæ Ecclesiæ Catholicæ tuendā & propagandā; itemq; ad fidem Catholicā disseminandam & procurandā, non vero ad ullum opus seu ministeriū Catholicæ fidei & Ecclesiæ aduersum, quocunq; nomine seu reformationis, seu deformatiōnis, appellatur, obeundū vocantur, nec ea vocatione villam facultatem aliam, seu potestatem accipiunt.

Accedit, quod Lutherus, alijq; sectarū magistri, vt sacrificiū Missæ prorsus contemnunt, ita etiam Sacerdotij ordinē ad hoc sacrificiū institutū necessario reiçere debent. Per gradum vero Academicī Doctoratus, tametsi testimonium sit & nota eruditio eius, quibus confortur, per se tamē nulla cōfertur iurisdictio ad Pastoris & Doctoris munus in Ecclesia obeundum necessaria: in quem proinde solū, legitima vocatione ad eiusmodi munera referriri nullo modo potest. De qua re pluribus differui part. 1. Anatomiæ demonstrat. 5. & in Dioptria fidei l. 2. c. 27.

Ex quibus etiā pater, quam inaniter Lutherus suam vocationem nunc quidem ad gradū Doctoratus Theologici, nunc ad Professoris Theologi munus in Academia Wittenbergensi acceptum retulerit, vt videre est apud eundem tomo 1. Ien. germ. fol. 553. 73. 259. & 10. 5. fol. 492. & rursus tomo 1. Ien. germ. fol. 479. & 339. & tomo 5. fol. 357. cum tamen ipse et fateatur, se iuramento adactū promissis, vanas doctrinas, peregrinas, & ab Ecclesia damnatas non dogmatizare. A qua vero Ecclesia damnatas? vtique Ecclesia Catholicæ, à qua hoc ei iuramentum fuit delatum. Et perquam ridiculum est, quod moderni quidam ministri scripsierunt, cum formulam iuramenti præstiti, ratione sui, inquiunt, hoc est, suo proprio sensu, non iuxta intentionem vocantium, hoc est, perfida & nequitiosamente: quod nec ipse Lutherus, vt pote tunc temporis adhuc Catholicus, concescerit, vt pluribus loco citato dictum.

Oc̄tava demonstratio sumitur à quinta Ecclesiæ proprietate & nota, dub. præcedenti explicata, quæ est esse recte ordinatam; quo spectat certa & constans officiorum & graduum sub eodem capite, inter Ecclesiæ membra distinctio ac subordinatio. Ex qua ita argumentamus. Proprium est vera Ecclesia Christi, est, recte ordinatam, modo explicato: id vero solum conuenit Ecclesiæ Catholicæ; non autem illi Seclarij huius temporis cœtu. Ergo. &c. Maior constat ex diis. Minor probatur; quia ad bonum ordinem corporis Ecclesiastici pertinet, tum aliquod caput visibile eiusdem scilicet ordinis ac rationis, cum ipso corpore Ecclesiæ, quam esse corpus visibile, non inuisibile ordinis dub. præcedenti, tum etiam constans varietas & subordinatio membrorum, tam inter se, quam respectu Capitis; secundum, quam alij sint Pastores, alij oues, alij Doctores, alij discipuli; alij Clerici, alij laici; idque non momentanea & fortuita electione; sed constanti definitione: utrumque hoc conuenit Ecclesiæ Catholicæ, quæ & uox habet Caput visibile, Ro-

manum Pontificem, à quo omnes reguntur, ut patebit quæst. seq. & certam ac constantem retinet distinctionem graduū, & officiorum; vt scilicet alij constanti destinatione & ordinatione sint Clerici, alij sint Laici: item vt inter ipsos Clericos, ab infimo Lectoris seu Ostiarij usque ad supremum Episcopatus gradum, pedetentim fiat gradatio.

Contraria omnia sunt apud Sectarios; vbi nullum visibile & supremum Ecclesiae caput; vbi omnes nascuntur Sacerdotes tam viri, quæ foeminae iuxta Lutherum in assert. a. 3. & lib. de ministris Eccles. Vbi & ministerium verbi, & potestas conficiendi & administrandi Sacra menta etiam mulieribus attribuitur, iuxta Lutherum ibidem. Vbi etiam diabolus ipse potest Sacra menta conficerere & conferre, iuxta Lutherum lib. de missa priuata. Vbi proinde idē sunt laici, qui clerici; vbi subito pastores ac superintendentes, qui nunquam fuerunt. Lectores, aut Diaconi.

A qua confusione & ordinis perturbatione, contra hæreticos etiam argumentum sumit Tertullianus lib. de præscriptione, c. 41. vbi ait: Non omittam ipsius etiam hæretice conversationis descriptionem, quam filialis, quam terrena, quam humana sit, sine grauitate, sine auctoritate, sine disciplina, ut fidei sua congruens. &c. Pacem paucim cum omnibus (etiam à sua fide alienis; vti non ita pridem Irenicus Caluinista David Pareus, cum Lutheranus alij; Heterodoxis affectant &c) miscent. Nihil enim interest illis; licet diuersa tractantibus, dum ad unius veritatis (Catholicae) expugnationem conffirent. Omnes timent; omnes scientiam pollicentur. Ante sunt perfecti Catechumeni, quam edicti. Ipsa mulieres hæretica quam procaces; quæ audeant docere, contendere, exorcismos agere, curationes reprimere, forsitan & tinguere. Ordinationes eorum temerarie, leses, inconstantes; nunc Neophytes conlocant; nunc sacra obstrictos; nunc apostatas nosbos, ut gloria eis obligent, quia veritate non possunt. Nusquam faciliter proficiunt, quia in castro rebelliū; ubi ipsi esse illic promereri est. Itaq. alius hodie Episcopus, et alii; hodie Diaconus, cras Lector; hodie Presbyter, quicras Laicus. Nam & Laicus sacerdotalia munera iniungant. Ita de hæreticorum ataxia Tertullianus. Plura de hac re 2. par. Anat. conf. Aug. demonstrat. 6.

Nona demonstratio sumitur a sexta Ecclesia proprietate & nota, quæ est esse visibilem, ad quam duas conditiones requiruntur; nimur vero fidei doctrinam ac professio, & quedam excellentia, qua eximijs quibusdam signis eadem Ecclesia omnibus conspicua reddatur, vt declarauimus dubio præcedenti. Vnde ad nostrum institutum ita argumentamur. Proprium est vera Ecclesia Christi, semper esse visibilem & aspectabilem, ita vt & publica eius fidei doctrina & professio palam ac semper, ab ipso eius Ecclesia ortu, audit a fuerit; ac ea simul conspicuis quibusdam notis inter omnes cæteras Ecclesiæ emicet, vt omnes prudenter credere possint, eam esse veram Ecclesiam; sed hoc soli Ecclesiæ Catholice; non autem vlli Sectariorum huius temporis cœtui conuenit: Ergo sola Ecclesia Catholica est vera Ecclesia. Maior huius syllogismi constat ex dictis dubio præcedenti.

Minor quoad priorem partem, nempe in Ecclesia Catholica semper perdurasse eam, quam tetur fidei doctrinam & professionem, constat ex dictis demonstrat. 4. Nec minus perspicuum est, in ea elucere excellentes quasdam prærogatiwas ac notas diuini favoris; vti sunt diffusio eius per universum orbem, item sanctitas, unitas, & consensio, & alia quas haec tenus recitauimus; quibus etiam accedit vis & splendor miraculorum, quibus Ecclesiam Catholicam semper fulisse, extorta Ecclesiastica historia constat. Et quidem, eandem Ecclesiam miraculis etiam circa ea ipsa dogmata, quæ cum Sectariis hodie contouersa sunt editis, admōdum illustrem esse, puta nimurum. 1. Circa & pro cultu sacrarum reliquiarum. 2. pro cultu sacrarum imaginum. 3. pro vsu signi Sanctæ Crucis. 4. Pro cultu sacrificij Missæ, & Sanctissimæ Eucharistia. 5. Pro cultu & inuocatione Sanctorum, tam ex scriptura, quam ex Sanctis Patribus alijsq; fide dignissimis historijs testatum fecimus 2. part. anatomia demonstrat. 9. §. 3. vsq; ad 9.

Secunda vrro pars ciusdem minoris, Ecclesias scilicet Sectariorum non esse ad eum modum visibiles, facile probatur. Nam publicam fidem, doctrinam & professionem, vniuersaliter earum Ecclesiarum propriam, plus mille annis in orbe vniuerso nulquam fuisse auditam, constat ex demonstrat. 4. & farentur ipsi Secarij, qui propterea aiunt, veram Christi Ecclesiam toto eō tempore fuisse inuisibilem. Eaſdem vero Ecclesias nullis insignibus notis & prærogatiis conspicuas esse, sed potius in illis omnia esse contraria; cum in illis nulla sit vno, nulla sanctitas, nulla locorum, vel temporum vniuersalitas, nulla successio, nullus ordinis, ex dictis manifestum est.

Quibus accedit, quod omni miraculorum splendor & attestacione proſus deſtituatur, quæres quanti facienda sit, ad veram aut falsam Christi Ecclesiam dignoscendam, hoc syllogismo breuiter ostendo. Nulla enim Ecclesia, quæ & in se diuinorum miraculorum penitus experta est, & aliena ab Ecclesia illa, quæ diuinis miraculis, etiam circa contouersa cum Sectariis dogmata editis, admodum illustris est: ergo Ecclesia Sectariorum huius temporis non sunt vera Ecclesiæ.

Maior huius syllogismi probatur ex scriptura; ex qua non solum constat, D E V M semper miraculis nouæ vocationi fidem conciliasse, ac ex miraculis fidem exegisse, vt patet Exodi 4. & 8. Matthæi 10. & 11. Marci 6. Luca 9. & 10. Ioannis 10. 14. & 15. & 20. Actorum 2. 2. Corinth. 12. 1. Thess. 1. Hebr. 2. Apocal. 11. sed simul etiam ex eadem scriptura constat, iuxta Christi promissionem, eandem miraculorum virtutem semper in vera Christi Ecclesia perduraturam esse, adeoq; etiam perdurare debere, vt patet Marci 16. v. 17. Signa autem eos qui

crediderint hæc sequentur, In nomine meo dæmonia ejcent; linguis loquentur nouis: serpentes tollent: eis mortiferum quid biberint non eis nocebit: super agros manus imponent, & bene habebunt.

²¹⁸ Vbi tria adnotanda; primum; non obstante, hoc, quod Christus ipse suam doctrinam ingentibus ac plurimis comprobarat miraculis, adhuc tamen necessarium visum fuisse, ut Apostolis quoque consimilis patrandonorum miraculorum potestas conferretur.

Secundum, non ea tantum miracula à Christo fuisse commemorata, quæ ex suo genere vniuerso, omnem naturalem seu creatam virtutem excederent, sed insuper etiam quædam alia, quale est, linguis nouis loqui, serpentes innocue tollere, à mortifero haustu non laedi: vt ne statim videlicet, cum aliquid eorum factum subinde à Sanctis & Catholicis vident, impudenter exclamare ausint nouatores, id diaboli ope, aut vi creata esse perpetratum. Neque vero existimandum est, Christum ea signa ita commemo-rasse, vt excludere voluerit alia, pleraque etiam maioris momenti, à seipso pro fidei confirmatione perpetrata; qualia sunt, visus & auditus restitutio, lepræ emundatio, paralysis curatio, mortuorum suscitatio &c sed fit mentio eorum potissimum, quæ olim in Ecclesia solebant esse frequentiora.

²¹⁹ Tertium est; eam potestatem non solum spectare ad Apostolos, sed ad eorum quoque successores, aliosque Christi fideles; ita quidem vt tametsi necessarium non sit, à fidelibus singulis eiusmodi edi miracula, certe tamen in vera Christi Ecclesia nunquam omnino desiderentur. Non enim Christus dixit, omnes eos, qui crediderint, ea signa esse sequitura; sed indefinite eos, qui crediderint, hoc est, Christi fideles; vbi tamen prorsus tanquam comes individus veræ Ecclesiæ adiungitur potestas & facultas miracula patrandi. Id quod ex verbis etiam precedentibus probatur. Illud enim Christi mandatum, quod ibidem præcesserat, quodque miraculorum virtute concessa obsignauerat, Euntes in mundum vniuersum, &c. non ad sòlos Apostolos, sed etiam ad eorum successores, totamque adeo posteritatem Ecclesiæ pertinet; quandoquidem hactenus ad finem usque mundi, nunquam defuerunt, nec dererunt nouæ gentes, quibus Christi fides predicanda, ac miraculis confirmanda sit.

²²⁰ Eadem syllogismi maior, Ecclesiæ diuinorum miraculorum penitus expertem, veram Ecclesiæ non esse, &c. pater ex illo Christi Ioannis 14. v. 12. Amen amen dico vobis, qui credit in me, opera que ego facio & ipse faciet, & maiora horum facies: quia ego ad Patrem vado: quod ad eundem sensum explicandum est. In quem sensum etiam Philippus Melanchthon in caput 3. Matthæi ait: Si postea sepe, quando mundus fere fuit oblitus promissionem & doctrinam Euangely, tunc vocauit nouos Doctores, ut post Noe & Sem vocauit Abraham, deinde Ioseph, postea Moysen, postea Samuelem, Eliam & alios. Sic quando iam magnetebra erant, Deus vocauit Ioannem. Et semper adiit Deus miracula, ut certo sciamus, esse à Deo missos. Ideo Ioannes magno miraculo nascitur ex matre sterili &

anu, &c. Ex quibus omnibus constat, eam non posse esse veram Christi Ecclesiæ, quæ miraculorum splendore destituantur; præfertim si noua sit, & plusquam decem saeculis fuerit incognita; multoque magis, si talis Ecclesia alteri cuiquam Ecclesiæ miraculorum splendore admodum illustrari quoad fidem & doctrinam repugnet.

Minor propositiō eiusdem syllogismi, Sectarios scilicet quoad fidem & doctrinam aduersari Ecclesiæ, nempe Catholicæ, miraculū admodum conspicuā, ex dictis manifestum est. Apud eos verò nulla esse miracula, & per se clarum est, & testantur historiæ: speciatim de Luthero infelice tentante electionem diaboli Fridericus Staphylus absolutæ responsionis part. i. oculatus testis; de eodem Lutherō mortui resuscitationem, irrito eventu tentante Cochlaeus, in actis Lutheri Anno 1523. De Caluini impudentiori, sed & infeliciori auctu testatur Hieronymus Bolsecus in vita Caluini cap. 13. Nimurum hæretici, vt iam olim scripsit Irenæus lib. 2. cap. 36. neque cæcis possunt donare visum, neque sordis auditum, neque omnes dæmones effugare, præter eos, qui ab ipsis immittantur; si tamen & hoc faciunt: neque debiles aut claudos, aut paralyticos curare; vel alia quadam parte corporis vexatos; tantum absunt, vt mortuum excitent. Quorum similia ex Tertulliano de præscript. cap. 30. retulimus supra demonstratione 7.

Vt proinde non immerito Erasmus in diatribe de libero arbitrio, hoc ipsum Lutherο exprobans scripsit: *Apostolus, quoniam excutiebant vi-
peras, sanabant ægrotos, excitabant mortuos, imposta-
manu dabant dona linguarum: ita demum creditum est,
& vix creditum est illius paradoxæ docentibus. Nunc cum
iuxta communem opinionem adferant paradoxæ tera,
nullus illorum adhuc extitit, qui vel equum claudum
sanare potuerit.* Ita Erasmus, Cæterum totam
hanc demonstrationem, vna cum objectionibus
sectorum, fusiū explicauit citat. Anatom.
confess. August. part. 2. demonstrat. 9. quo Le-
ctorē breuitatis causa in hac tota mate-
ria remitto. Certe allatae demonstratio-

nēs nō minus vanitatem sectorum
huius temporis, quam veter-
rum hæreticorum eu-
denter conuin-
cunt.

